

TSHEKO

 Bakeng sa palo ya Lengwalo, morago ga sekgalela se, go tšwa go Puku ya Mareka, tema ya 16 ya Mareka. Gomme ke nyaka le eme, le Dibeibele tša lena, ge re bala Lentšu la Modimo. Mareka 16, go thoma ka temana ya 9.

Bjale ge Jesu a tsogile mesong letšatšing la pele la beke, o bonagetše pele go Maria Magadalena, yo go yena a leleketsego bodiabolo ba šupago ntle.

Gomme o ile le go ba botša bao ba bego ba ne yena, ge ba hlohlile le go lla.

Gomme bona, ge ba kwele gore o be a phela, gomme o bonwe ke yena, ga se ba dumela.

Ka morago ga fao o bonagetše go dibopego tše dingwe, tša tše pedi... (Ntshwareleng.)

Ka morago ga fao o bonagetše ka sebopego se sengwe go ba babedi ba bona, ge ba be ba sepela, gomme ba eya ka nageng.

Gomme ba ile le go e botša mašaledi: le bona ga se ba dumela...

Ka morago, o bonagetše go ba lesometee ge ba dutše dijong, le go ba kgalema ka gosedumele ga bona le go thatafa ga pelo, gobane ga se ba dumela bona ba ba mmonego morago ga ge a tsogile.

² A seo ga se seswantšho lehono! Ga ba dumele gore o hlatse bjalo.

Gomme o rile go bona, Eyang ka lefaseng lohle, gomme le rere ebangedi go sebopša se sengwe le se sengwe.

Yo a dumelago gomme a kolobetšwa o tla phološwa; eupša yo a sa dumelago o tla lahlwa.

³ Seo se no dira mothalo, lehlakore le tee goba le lengwe.

Gomme maswao a a tla latela bona ba ba dumelago; Ba tla lelekela bodiabolo ntle ka leina la ka; ba tla bolela ka maleme a maswa;

Ba tla swara disephente; gomme ge ba nwele selo sa go bolaya, se ka se ba gobatše; Ba tla bea diatla tša bona godimo ga balwetsi, ... ba tla welwa ke maruru.

Kafao ka gona morago ga ge Morena a boletše le bona, o ile a amogelwa godimo ka legodimong, gomme a dula ka seatleng se setona sa Modimo.

Gomme ba ile pele, ... ba rera mogohle, Morena a šoma ka bona, ... a tiišetša lentšu ka maswao a latela. Amene.

A re inamišeng dihlogo tša rena.

⁴ Morena, re dumela se go ba thomo ya mafelelo go kereke. Re dumela gore Lentšu le dirilwe nama gomme la dula magareng ga rena. Gomme re a dumela gore motho mang kapa mang ga se yo mokaone go feta lentšu la gagwe, kagona re a dumela gore Lentšu le ke Wena. Gomme re a dumela gore ke Wena, yo, wa go swana maabane, lehono, le ka gosafelego. Etna, lehono, O Tate Modimo, ka sebopego sa Lentšu, go rena, gomme a nke batho ba bone gore Wena o Kriste yo a tsogilego, le go tsoga ka go letšatši le la mafelelo, ka sebopego se O boletšego gore O tla ba ka go sona, Lentšu le le bonagaditšwego. Ge O be o le lefaseng, O be o le Lentšu le le profitilwego, le bonagatšwa ka lebopo la motho. Gomme Lentšu le profitilwe go letšatši le. Etna, Morena Jesu, gomme o Le tliše go rena, lehono, Lentšu. Dira tlathollo ya Gago ya Lentšu, gore re ke re be le “lehabo la go se bolelege, le go tlala letago.” Bontši bjo re Go hweditšego gore o bose, gomme re hweditše Mantšu a Gago therešo le go tiišetšwa ka dipelong tša rena, gore re fetile go tloga lehung go ya Bophelong.

⁵ Rena bohole ba re tswetšwego ka mohlare wola o tee ka serapeng sa Edene, woo o bego o ileditšwe go kgwathwa, mosadi, ka gore ka go yena ga go bophelo; o no ba lee. Bophelo bo tšwa go Monna, e bego e le Kriste. Gomme re tswetšwe ke mosadi, gomme, bjalo ka ge Beibele e re botša, “ka matšatši a se makae, le go tlala manyami le bothata.”

⁶ Tate, gape re tswetšwe ka wa go fa Bophelo, go tšwa go Monna. Tona o tla go tshadi, gomme peu e tšwa go ye tona; bjalo ka ge Moya wa Gago o apešitše kgarebe moriti, gomme ka popelong ya gagwe go hlotšwe sele ya Madi; sele ya Madi, e sego ya Mojuda, e sego Montle, eupša Modimo, o hlotše Madi. Ka go Madi ale, re ne dikholofelo tša rena. E be e se tša mosadi, le ge e le tša monna; e be e le ya Modimo.

⁷ Kafao re a rapela lehono, Morena, bjalo ka ge re ipona renabeng batšeakarolo ba mohlare mosadi, gomme bohole re swanetše go hwa gobane ga go bophelo ka go mosadi, bjale gape, Tate, re filwe monyetla go tšea karolo go Mohlare Monna, e bego e le Kriste. Gomme bjale, ka Yena, re na le Bophelo, Bophelo, Lentšu, le dirwa Bophelo magareng ga rena. Efa, Morena, gore dilo tše di tla ba kgonthe ye bjalo go Kereke, gore ba tla bona, gomme re tla kwešiša iri ye re phelago ka go yona.

⁸ Fodiša balwetši le batlaišwa. A nke go se be le motho wa sekoka magareng ga rena, morago ga sekgalela se, ge tirelo ye e tswalela. A nke e elelwé botelele kudu magareng ga batho! A nke bahlanka ba Gago, ba—ba badiša, badiši, a nke ba no šušumetšwa kudu go fihla dikereke tša bona di tla fetolwa gomme ditirelo tše kgolo di direge, le go thoma tsošeletšo ya fešene ya kgale thwi fa ka go toropokgolo ye, magareng ga bona, yeo e tla swielago mmušo le setšhaba, gomme ebile le lefase

ka bophara. E fe, Morena. O swere dinotlelo tša thapelo ye ka seatleng sa Gago. Re thuše, re a rapela, ka Leina la Jesu. Amene.

Le ka dula.

⁹ Modimo o swanetše go tliša kahlolo godimo ga lefase. Gomme Modimo o swanetše go ba le se sengwe mo, selekane, go ahlola lefase ka sona, gobane e tla ba go hloka toka, ka go Modimo, go ahlola lefase, gomme lefase le sa tsebe selekane go sepela ka sona. Ke ba bakae ba dumelago seo ke therešo? Ge kereke e le selekane, ke efe e lego sona? Lentšu, Modimo o rile O tla ahlola lefase ka Jesu Kriste. Yena ke Lentšu. “Mathomong go be go le Lentšu, Lentšu le be le le go Modimo, gomme Lentšu e be e le Modimo. Lentšu le dirilwe nama gomme la dula magareng ga rena.” “Wa go swana maabane, lehono, le go ya go ile.”

¹⁰ Bjale ke nyaka go bolela le lena morago ga sekgalela se ka thuto ya go tlabu kudu, e ka no ba go lena. Eupša, ka go thuto ye, ke ya go fa Morena wa ka feela tshe—tshe tsheko. Ga ke nagane O hweditše mohuta wa maleba wa tsheko pele ga kgorotsheko ya Pilato. Ga—ga ke dumele gore O bile—O bile le tsheko ya maleba, ka fao ba Mo hweditše phošo, gomme ba Mo ahlotše le go Mmapola. Eupša re ya go dira, morago ga sekgalela se, bjalo ka go tsheko ye.

Gomme o re, “A o ka kgona go Mo fa tsheko?”

¹¹ Ge A dula a le Lentšu, re ka kgona go Mo fa tsheko, gobane Yena ke Lentšu bjale. Gomme re ka kgona go Mo fa tsheko. Gomme ke nyaka go bona gore ka go kgorotsheko ye, morago ga sekgalela se, ge re tsea moago wo go emela kgorotsheko, gore re nyaka go bona gore O hwetša tsheko ya toka, ge eba ke bakeng sa Gagwe goba kgahlanong le Yena. Re nyaka go fa mahlakore a mabedi. Gomme ka gona, ka tabeng ye, ke nyaka go Mo sekiša, e lego Lentšu.

¹² Bjale, Lengwalo le leo ke sa tšogo le bala, Mareka tema ya 16, ebile le Ngaka Scofield fa o re, “Go tloga go temana ya 9 go ya pele, ga se e hwetšwe ka go tše pedi tša dingwalwa tša kgalekgale.” Ka setlwaedi go dumetšwe magareng ga batho, gore, barutiši ba rena lehono bao ba nyakago go e dumela ka tsela yeo, gore e hlabetšwe ka kua ke Vatican.

¹³ Eupša ke hwetša gore Irenaeus le ba bantši ba bangwadi ba pele ba šupa go Mareka 16. Bjalo ka lena batho ba bangwe bao le ithutago histori, histori ya Beibele, le tseba gore bona baapostola ba pele, gomme ebile le morago ga lehu la Jesu, le ge Polycarp, le Irenaeus, le Mokgethwa Martin, le boMokgethwa Columba, le bohole bao, ba boletše morago go Mareka 16 ye. Kafao e swanetše go ba e netefaditšwa, goba ba ka be ba se ke ba bolela ka yona. Gomme Mokgethwa Johane ke yena yo a beilego mangwalo mmogo, gomme Polycarp o be a le mogwera wa hlogo ya kgomo le go mo thuša go e dira, go ya ka histori.

¹⁴ Bjale re hwetša gore lehono ga ba dumele seo. Ba leka go ya kgole le kgonthe ya Modimo go beng kgonthe; golebjalo, feela ka pego goba thutotumelo. Modimo wa kgonthe, tema ye e tla e netefatša go ba, le netefatšo ye nngwe le ye nngwe yeo ba ka kgonago go e hwetša.

¹⁵ Boka morutiši yo itšego yo mogolo, mopresidente wa Sudan Missions, mosadimogatša wa ka yo monnyane godimo fale o be a le gona ge a etla go lefelo la ka, Paris Reidhead. Gomme o rile, “Ngwanešu Branham, ke a kwešiša gore o be o le Mobaptist.”

Ke rile, “Ee, mohlomphegi, yeo ke nnete.”

¹⁶ Gomme o rile, “Gabotse,” o rile, “ke nyaka go go botšiša se sengwe.” O rile, “Ge ke be ke le mošemané yo monnyane,” o rile, “ke bile le boitemogelo. Gomme mme wa ka a hlatswa le se sengwe le se sengwe, go nthomela sekolong. Gomme ka gopola, ka nnete, gore ge ke hweditše B.A., gore ke tla hwetša Kriste.” O rile, “Gore, ge yeo e filwe go nna, ga se ka E hwetša. Ge ke hweditše Grata ya ka ya Bongaka, ke naganne ke tla E hwetša. Ge ke na le LLD ya ka, ke naganne ke tla E hwetša.” O rile, “Ngwanešu Branham, ke na le digrata tša go lekanelá, bobedi ka kgonthe le—kgonthe le go hlompšha gape, gore nka ritela maboto a gago ka tšona. Eupša Modimo wa Beibele o kae?” O rile, “A barutiši ba be ba le phošo?”

Ke rile, “Ke nna mang go bolela gore barutiši ba be ba le phošo?”

¹⁷ O rile, “Gabotse, sese se ke se kwešišago, gore o retolotše go Pentecostal.”

¹⁸ Gomme ke rile, “Gabotse, ga ke re ke . . . ke a dumela, ge ke be ke tswalwa ka Mmušong wa Modimo, ka go itiragalela ke be ke le mopentecostal,” ka re, “ka baka la gore pentecost ga se mokgatlo. Ba lekile go e dira, eupša ga se ona. Modimo o tla tlatša Mopresbyterian, Molutheran, goba e ka ba mang o lego. O a bona, kafao ke boitemogelo gomme e sego mokgatlo. O ka se kgone go e kgatlofatša. Ke boitemogelo.”

¹⁹ Gomme o rile, “Gabotse, ke nyaka go go botša se se diregilego.” O rile, “Go tšwa India, ka matšatšing a, ba romela batho godimo mo bakeng sa thuto ya bona.” O rile, “Ka sekolong sa rena, go be go le mošemané yo mokaone wa Moindia yoo a tlidego godimo fa gomme o hweditše thuto ya gagwe. Gomme ge a ile morago . . .” ke nagana o be a swanetše go ba, ke a nagana, moentšeneere wa mohlagase goba se sengwe. O rile, “Eupša ge re . . .”

²⁰ Ba na le sekolo go no swana le ge Ngwanešu Oral Roberts a na lego sona godimo kua. Ba ruta go entšeneering le eng kapa eng.

²¹ Kafao o rile, “Tseleng go boela morago, nna le modiredi yo mongwe, ke rile go yena, ‘Bjale, go yeng morago India . . .’” Gomme le tseba ma—ma Maindia ba rapela Mohammed. Gomme

o rile, ““Gobaneng o sa tlogele moprofeta wa gago wa kgale wa go hwa, gomme o amogela Morena Jesu yo a tsogilego; gomme o iša Modimo wa kgonthe morago India le wena, o botše batho ba geno?””

²² O rile, “Mohlomphegi,” o rile, “ke eng Morena wa gago Jesu a ka ntirelago gape go feta se moprofeta wa ka a ka kgonago go se dira?”

²³ Gomme o rile, “Gabotse, Morena wa ka Jesu a ka go fa Bophelo bjo Bosafelego. Ke tshepišo ka go Lentšu.”

²⁴ O rile, “Moprofeta wa ka, Mohammed, o tshepišitše selo sa go swana, ka go lentšu la gagwe.”

²⁵ Gomme o rile, “Gabotse, o a bona,” o rile, “Morena wa ka Jesu o tsogile go tšwa bahung. Moprofeta wa gago o ka lebitleng.”

²⁶ O rile, “A O tsogile go tšwa bahung?” O rile, “Le bile le mengwaga ye dikete tše pedi go e netefatša, gomme diphesente tše masomeseswai tša lefase ga se nke tša ke tša kwa ka yona.” O rile, “Dumelela Mohammed go tsoga bahung, gomme lefase ka moka le tla tseba, ka diiri tše masomepedi nne.”

²⁷ Bjale, o rile, “Gabotse, lebelela,” o rile, “Jesu o tsogile go tšwa bahung.” O rile, “Nka kgona go e netefatša gobane O phela ka gare ga pelo ya ka,” go boletše Mokriste.

²⁸ Gomme Mohammedan o rile, “Gomme, mohlomphegi, Mohammed o phela ka pelong ya ka.”

O rile, “Eupša, o a bona, re na le maatla le thabo.”

²⁹ O rile, “Mohlomphegi, bodumedi bja Mohammedan bo ka tšweletša feela bontši bjalo bja saekolotši bjalo ka ge Bokriste bo kgona.” Gomme yeo ke therešo.

³⁰ Ke bone ba robetše mokgotheng le go goelela, “Allah,” gomme ba tsena ka go seemo se sebjalo, ba kgonne go tše... Billy le nna re eme gomme re šeditše monna a sobeletša tšoša thwi ka tlase ga pelo ya gagwe; gomme ngaka o ile godimo kua gomme a tšhela meetse go e kgabola, gomme ya tšwela ntle; a e gogela ntle, gomme ga se ya ke ya mo gobatša. Ke ba bone ba tše magare, gomme ba a iša ka tlase ga manala a bona gomme ba a sobeletša, gomme ba sobeletša dihuku godimo go kgabola nko ya bona, gomme ba se tsoge ebile ba e kwa goba go rothiša madi. Ba ka tšweletša saekolotši ye ntši go feta Bokriste bo ka kgona.

³¹ Gomme Mna. Reidhead o rile go nna, o rile, “Ke tsebile ke be ke sa bolele le mošemanе tsoko wa setlaboswane. Gomme o rile, ‘Rena boMohammedan re letile.’”

³² Boka ba dirile go ngwanaborena yo bogale, Billy Graham, le e badile ka pampiring, ge Mohammedan a etla go Mna. Graham, gomme o rile, “O tše batho ba masometharo ba go babja, gomme ke tla tše batho ba masometharo ba go babja; gomme

o fodiša ba masometharo ba gago, gomme ke tla fodiša ba ka ba masometharo ka Mohammed,” o a bona, Mna. Graham o tšhabile go tloga lefelotiragalo. O be a ka se mo arabe.

³³ Ga ke dumele nkabe ke dirile seo. Nkabe ke bile boka bana ba Bahebere, “Modimo wa rena o kgona go re lokolla go tšwa go se.” Gobaneng a se a romela, go hwetša Oral Roberts goba yo mongwe? Ge a se a dumela Leo, go romela go hwetša yo mongwe yoo a Le dumetšego. Eupša, le a bona, ka dikerekemaina, oo, ba ka be ba mo lahletše ntle thwi nako yeo. O na le mošomo go o dira.

³⁴ Golebjalo, nako yeo o rile, “Ge rena, godimo ka India, re bona lena—lena Bakriste le tšweletša se Jesu a boletšego gore le tla se dira,” o rile, “gona re tla le dumela.” O rile, “O rile O tsogile go tšwa bahung, gomme batho ba tla e tseba gobane le tla dira mediro ya go swana yeo A e dirilego.”

“Gabotse,” o rile, “re dira mediro ye megolo.”

³⁵ O rile, “Ga se ka tsoge ka re ‘yo mogolwane.’ Ke no nyaka go bona mediro ye A e dirilego, pele.” Gobaneng, o a bolela, o a tseba ga o bolele le moisa tsoko yo monnyane tlase khoneng, ge o bolela le yo mongwe wa bale baith- . . . bona le thutamodimo ya bona. Kafao o rile, “Re nyaka go bona mediro ye A e dirilego.”

“Oo,” o rile, “mohlomongwe o šupa go Mareka 16?”

³⁶ O rile, “Ee, mohlomphegi. Yeo ke ye nngwe ya tšona, thomo ya Gagwe ya mafelelo go kereke.”

³⁷ O rile, “Gabotse, bjale, o a bona,” o rile, “bontši bja batho ba dumela tema yeo ka go hlanya.” O rile, “Eupša re ithutile, dirutegi tše kaone ka sekolong, gore Mareka 16, go tloga go temana ya 9 go ya pele, ga se e šušumetšwe ka kgonthe.”

³⁸ O rile, “Gobaneng, Mna. Reidhead!” O rile, “Ke karolo efe e šušumeditšwego gona?” O rile, “Mohlomongwe ka moka ga Lona ga se la šušumetšwa. Korana yohle e šušumeditšwe. Ke mohuta mang wa puku ye le e balago, e bitšwago Beibele?”

³⁹ O rile, “Ke dirile ka pelong ya ka ke be ke etla go bolela le wena. Ya, ke be ke eya go bolela le wena.”

⁴⁰ Ke lena bao. Ge Ye e se ya šušumetšwa, gona go reng ka Yona ka moka?

⁴¹ E nkgopotša ka mohumagadi ka Chicago. Mošemanne wa gagwe o ile kgole seminaring, go ithuta go ba modiredi, sekolo se sengwe sa Beibele le seminari. Gomme ge a be a sa ile, mme wa kgale o babjitše ka tlhokofalo. Gomme kafao ba rometše lentšu go mošemanne go ‘ema kgauswi,’ mmagwe ka letadi le legolo bjalo, o be a na le nyumonia, gomme o boletše gore (yena) e—e ka no ba pitšo ya tšhoganetšo. Kafao mošemanne o be a rwele diaparo tša gagwe gomme a itokiša. Mafelelong, letšatši le le latelago, ga se a ke a kwa lentšu bošego bjohle, gomme letšatši le le latelago, o rile, “Tšohle di lokile.”

⁴² Kafao e ka ba ngwaga moragorago, o boile go tšwa sekolong ka Bohlabela, sekolo tsoko se segolo sa thuto. Gomme o tlile gae gomme a dumediša mmagwe yo bohlokwa, gomme o rile, ka morago ga go bolela lebakana, o rile, "Mme, ga se nke ka hwetša sebaka go go botšiša se se diregilego." O rile, "Bošego bjo bongwe ba mpoditše go 'ema kgaušwi', gomme mosong wa go latela, ba rile o be o 'fodile.'" O rile, "Ke seokobatši sefe nga—nga ngaka e se šomišitšego?"

O rile, "Hani, ngaka ga se a šomiša selo."

O rile, "Gabotse, o e dirile bjang?"

⁴³ O rile, "O a tseba moo mišene wola wo monnyane o lego tlase fa go . . . e nyakile go ba go phamoga, fale sekwereng?"

"Ee."

⁴⁴ O rile, "Go be go le mohumagadi. Ba be ba na le kopano ya thapelo tlase kua, bošego bjo bongwe, ka go mišene wo monnyane wo, sehlopha se sennyane sela sa batho sa go šokiša sa go kokobela, gomme," o rile, "yo mongwe wa bona o be a šušumeditšwe go tla godimo mo le go mpona. Gomme basadi ba babedi ba tlile, gomme ba mpotšišitše ge eba ba ka tliša modiša wa bona godimo le—le go nthapelela, gomme ba ntlotša ka oli, le—le," o rile, "gomme ba bea diatla tša bona godimo ga ka, gore ke tla fola." Gomme o rile, "O a tseba, ke ba boditše 'kgonthe.' Gomme ba tlišitše modiša godimo, gomme o beile diatla tša gagwe godimo ga ka, le go rapela." Gomme o rile, "Hani, o e badile thwi go tšwa Beibeleng, Mareka tema ya 16, e rile, 'Maswao a a tla latela bona ba ba dumelago.'" Gomme o rile, "O a tseba ke eng? Mosong wo o latelago, ngaka e be e gakanegile kudu, o be a sa tsebe gore a ka dira eng. Go be go se letadi ka go nna."

⁴⁵ "Oo," o rile, "mme, ga se wa hlakana le sehlopha sela, a o dirile?" O rile, "O a bona," o rile, "rena ka sekolong, re ithutile gore Mareka 16, go tloga go temana ya 9 go ya pele, ga se e šušumetšwe."

O rile, "Letago go Modimo!"

⁴⁶ "Gobaneng," o rile, "mme, o thoma go dira boka batho bale."

⁴⁷ O rile, "Ke be ke no nagana se sengwe." O rile, "Ke be ke bala Beibebe, tsela yohle go kgabola, le ditshepišo tše dingwe ka mafelong a mangwe, gape, go swana le yeo." Gomme o rile, "Ke be ke no nagana, ge Modimo a ka kgona go mphodiša ka ya go se šušumetšwe, ke eng A tla e dirago ka yona yela ka kgonthe e šušumeditšwego?" Yeo ke nnete.

⁴⁸ Go nna, yohle e šušumeditšwe. Modimo, mphe tumelo go e dumela le go e tiišetša!

⁴⁹ Bjale re ya go fetola bjale, feela metsotso e se mekae, ya molato wa kgorotsheko. Bjale, elelwang, re ya ka kamoreng ya kgorotsheko, go tliša Jesu, Modimo, mo go lefelotiragalo fa, le go

Mo fa tshekišo ye kaone. O sa le Lentšu, ebile le la letšatši le, (a le a e dumela?), go no swana le ge A be a le Lentšu nako yeo. [Phuthego e re, "Amene."—Mor.]

⁵⁰ Bjale, molato wo, se se o hlotšego, ke—ke Lentšu la ditshepišo tša Modimo kgahlanong le lefase. Bjale hwetšang peakanyo gabotse ka kgonthe goba le ka se tsoge la e swara. Se se hlotšego kahlolo ye, ke go robja ga tshepišo, "Modimo ga se a boloka Lentšu la Gagwe." Ke go robja ga tshepišo. O tseba se e lego sona.

⁵¹ Bjale, ka mehla re hwetša gore ramolao motšhotšhisi o swanetše go emela mmušo, ke a dumela yeo ke nnete, ramolao motšhotšhisi. Ge eba go ne ramolao a dušego fa, ke a holofela ke swere se gabotse. Ramolao motšhotšhisi o swanetše go emela mmušo. Kafao ramolao motšhotšhisi ka go taba ye ke diabolo, a sekiša Lentšu la Modimo.

⁵² Mosekišwa wa Lentšu le, ke Modimo ka Boyena, ka baka la gore Yena ke Lentšu.

Hlatse ya Mosekišwa, ka molatong wo, ke Moya wo Mokgethwa.

⁵³ Gomme mo—mo motšhotšhisi o ne dihlatse tše rilego fa morago ga sekgalela se. Gomme dihlatse tše, ye nngwe ya tšona, ke Mna. Mosedumele, wa go latela ke Mna. Mogononi, gomme wa go latela ke Mna. Mofelapelo. Ba tla tlišwa sefaleng, gomme ba ena ka gare, le go sekišwa.

⁵⁴ Bjale le na le peakanyo ya kgorotsheko, Modimo o ahlolwa ke lefase, gobane, "Yena ga a boloke Lentšu la Gagwe." Gomme ramolao motšhotšhisi o emela mmušo, wo o emelago lefase. Gomme ramolao motšhotšhisi ke diabolo, yoo a ganago gore Lentšu le nepile.

⁵⁵ Gomme ramolao motšhotšhisi, bakeng sa dihlatse tša gagwe, o tliša dihlatse tše tharo kgahlanong le Lentšu la Modimo. Gomme go e netefatša, o ya go e netefatša go lena, morago ga sekgalela se, gore, "Modimo ga a boloke Lentšu la Gagwe, gomme ga La—ga La swanelo go tsenwatsenwa. Le no se be therešo. Ga go selo sa therešo ka Lona."

⁵⁶ Gomme Mosekišwa ke Modimo, yo e lego Mothomi le Lentšu, la letšatši le, go swana le letšatši lela goba letšatši le lengwe.

Gomme ramolao motšhotšhisis o ne dihlatse tša gagwe.

⁵⁷ Bjale le re, "Lekgotla la baahlodi le kae?" Ke bolela le bona. Lena le lekgotla la baahlodi, gomme gape ke lena moahlodi. Bjale beang seo ka mogopolong, lena bobedi le ba lekgotla la baahlodi le go ahlola, go molato. Ke no ba seboleledi.

⁵⁸ Bjale re na le kgorotsheko e beilwe. Bjale tshepedišo bjale e bitšwa ke motšhotšhisi. Taolo e a bitšwa ka kamoreng ya kgorotsheko, morago ga sekgalela se, go tliša molato wo go—go makgaolakgang.

⁵⁹ Bjale batho ba bantši ba le boditše gore, “Lentšu la Modimo ga le tshepagale. O ka se kgone go ithekga ka Lona,” le go ya pele, gomme le kwele sohle se. Bjale a re Le tlišeng tshekong ya therešo. Ke ba bakae ba ratago, phagamiša seatla sa gago gomme o re, “Ke tla rata go kwa; gomme Jesu Kriste, yo e lego Lentšu, a hwetša tshekišo ye kaone”? Gomme ka kgorontsheko ya rena, morago ga sekgalela se, re ya go Mo fa tshekišo ye kaone. E no dumelela lenaba go tsea mantšu a lenaba, le eng kapa eng a swanetšego go e bolela, gomme o bone ge eba ke nnete. A re e epeng fase gomme re fe Jesu Kriste, Lentšu, tshekišo ye kaone morago ga sekgalela se.

⁶⁰ Bjale, kgorotsheko e bileditšwe taolong, hlatse ya mathomo yeo motšhotšhiši a nyakago go e tliša mo setulong ke . . . go ema ke Mna. Mosedumele. O tsea boemo go paka. Bjale elelwang, Mna. Mosedumele. Le se hlaiwe ke baanegwa ba bjale, goba le tla hlaiwa ke se sengwe, le ka no hlaiwa ke phodišo ya lena.

⁶¹ Mna. Mosedumele o tla go boemo, go paka. Boipelaetšo bja gagwe ke, gore, “Lentšu la Modimo lohle la tshepišo ga se therešo. Ga se therešo.” O tleleima seo, ka go Mareka 16, o be a direlwa yena—go yena ka go ye e bitšwa kopanong ya Moya wo Mokgethwa. Gomme o be a na le bothata bja mogodu lebaka la mengwaga tsoko, gomme o ile lefelong moo ba bego ba le gona, ye ba e bitšago, “kopano ya Moya wo Mokgethwa,” gomme ba be ba dumela gore tshepišo ye ya Mareka 16 e be e le therešo. O bile le diatla di beilwe godimo ga gagwe go ya ka tshepišo ya Modimo.

⁶² Ga a na le selo go bolela kgahlanong le modiredi; o e badile thwi go tšwa go Lentšu. Ga a sekiše modiredi; o sekiša Modimo. Ka gore, ga se phošo ya modiredi, modiredi o bala feela se Modimo a rilego dira. Gomme Modimo ka therešo o rile, ka go Mareka 16, “Maswao a a tla latela bona ba ba dumelago; Ge ba bea diatla tša bona godimo ga balwetši, ba tla welwa ke maruru.”

⁶³ Gomme o re ke yena modumedi, gomme o tla kopanong ye bjalo ka moo ba bego ba rera Mareka 16 go ba therešo. Gomme modiredi, ka Kolobetšo ya Moya wo Mokgethwa, o be a tleleimilwe go ba modumedi le modiredi yo a rometšwego bakeng sa morero, o ile a bea diatla tša gagwe godimo ga gagwe. Gomme e bile dikgwedi tše pedi tša go feta, gomme mogodu wa gagwe o no ba wo mobe bjalo ka ge o kile wa ba. Ka fao, o tleleima gore Modimo ga se a loka, go bea selo se sebjalo bjalo ka seo ka Lentšung, mola e se therešo.

Bjale a nke a ye fase. O pakile.

⁶⁴ Wa go latela go ema e bile Mna. Mogononi. O nyaka go fa bopaki. Mna. Mogononi o bolela gore o be a tshwenywa ke—ke TB, lebaka la e ka ba mengwaga ye lesometlhano. Eupša ga se ešo a khutša, e no ya pele e tšwelela, e no ya pele—ya pele e kgatlampana. O tla no ba kaone gannyane, gomme morago ya

kgatlampana. Gomme o kwele ka lefelo ka toropongkgolo moo go bego go swanetše go ba moreri wa bomodimo a rera, gomme batho ba be ba tteleima go fodišwa go ya ka tshepišo go tšwa go Modimo, e hwetšwago ka go Jakobo 5:14, moo ka go Lentšu la Modimo le rego, “Ge e ka ba mang a babja magareng ga lena, a nke a bitše bagolo ba kereke; gomme a nke ba ba tlotše ka oli le go ba rapelela; thapelo ya tumelo e tla pholosa molwetši, gomme Modimo o tla ba tsošetša godimo.”

⁶⁵ Gomme yena a babja, gomme modumedi, o ya kopanong ye moo batho ba bohle ba tteleimago gore ba fodišitšwe ke modiša yo wa bomodimo. Gomme o ile a direlwa, go ya ka Jakobo 5:14. Gomme modiša o be a direla feela go ya ka Lentšu, a mo tlotša ka oli le go mo rapelela, thapelo ya se modiša a rilego e be e le “thapelo ya tumelo,” gore o dumetše. Gomme seo e bile e ka ba ngwaga wa go feta, gomme ga se nke a be le dipuelo tše dingwe go tšwa go yona, kagona Mna. Mogononi o tteleima Modimo ga se a loka go bea tshepišo ye bjalo ka yeo ka Beibeleng gomme morago a se eme ka morago ga yona.

Bjale, elelwang, ke bala ditshepišo tša go tlala tša Ebangedi mo.

⁶⁶ Hlatse ya go latela e tla tla go emeng bjale. Motšhotšhiši o bitša hlatse ya gagwe ya go latela, pele a kokotela molato wa gagwe fase. Hlatse ya gagwe ya go latela ke Mna. Mofelapelo.

⁶⁷ Bjale ba ke baanegwa ba kagodimogatlhago bao ba dulago go baanegwa. Le a bona, bjale, ba a dira.

⁶⁸ Kafao Mna. Mofelapelo o a tla, gomme o tteleima gore letšatši le lengwe o be a bala ka Beibeleng. Ga se a ye dikerekeng, eupša o be... o be a le modumedi. Kafao yo mongwe wa bona o ile go moebangedi, gomme yo mongwe o ile go modiša, gomme moisa yo o be a no ba modumedi wa sephiri yoo a šetšego gae. Gomme o ile gomme o be a bala ka go Mareka tema ya 11, temana ya 22 le ya 23; ge eba le ngwala Mangwalo ao. Moo, Jesu ka Boyena, a tteleimago go ba Modimo, Imanuele, o dirile setatamente se ka dipounama tša Gagwe Mong, “Ruri, ruri, Ke re go lena, mang kapa mang a ka rego go thaba ye, ‘Šuthišwa,’ gomme wa se belaеle pelong ya gago, eupša wa dumela gore se o se boletšego se tla direga, o ka kgona go ba le se o se boletšego.” Gomme O boletše gape, gore, “Ge le rapela, dumelang gore le amogela se le se kgopelago, gomme le tla se fiwa.”

⁶⁹ O re o be a golofetše maotong a gagwe, lebaka la e ka ba mengwaga ye masomepedi tlhano. Gomme mengwaga ye mehlano ya go feta, ge a be a dutše ka kamoreng, a ikwela gore o be a šušumeditšwe go bala Lentšu le a tteleimago gore o le dumetše, gomme ka pelo ya gagwe yohle o le dumetše. Gomme ka gona o rile, ka segalontšu sa gagwe mong, “Bogole maotong a ka, Leineng la Jesu Kriste, ntlogele,” o boletše. Gomme yeo e

bile mengwaga ye mehlano ya go feta, gomme o no ba go golofala bjalo ka ge a kile a ba.

⁷⁰ Kafao, kagona, Mna. Mofelapelo o nyaka go bea bopaki bja gagwe kgahlanong le Lentšu go beng go se palelwe, o nyaka go bo bea kgahlanong le Beibele go beng Lentšu le le šušumeditšwego, gomme o bolela gore tshepišo ye ga se therešo; o Le lekile, gomme “Le be le se therešo.” Mna. Mogononi o rile o Le lekile, gomme “Le be le se therešo.” Mna. Mosedumele o rile o Le lekile, gomme “Le be le se therešo.” Dihlatse tšohle tše tharo tše di fa dipalo tša Lengwalo, ditshepišo tša Mangwalo, le go bolela gore tshepišo ye e bala se, le ka kgona go e bala go tšwa Beibeleng, gomme ke bona hlatse gore “Ga se Therešo.”

⁷¹ Kagona, Beibele e swanetše go lahlelwa kgole; gobane, ge karolo e tee ya Yona, temana e tee ya Yona e ka se kgone go tshepša, nka se kgone go tshepa e ka ba efe ya Yona. Yohle e swanetše go ba Therešo, goba ga e gona ya Yona e lego Therešo. Ketane e no ba bokaonekaone kudu bja yona go makopano a yona a go fokolafokodi. Le tseba se ke se rago.

⁷² Bjale motšotšisi o a rotoga bjale go tliša tshekišo le go kokotela molato fase. O nyaka go o kokotela fase. Bjale šetšang se a se bolelago. “Modimo ga se a lokafatšwa go beeng ditshepišo tše bjalo tša phošo ka go Lentšu la Gagwe, bakeng sa bana ba Gagwe ba go dumela go leka tumelo ya bona ka yona, gobane ga se therešo.” O na le dihlatse mo, go netefatša gore Lentšu le leo Modimo a le tshepišitšego ka go Lentšu la Gagwe go ba Therešo, o na le dihlatse di dutše mo, gomme o kgona go laetša ka netefatšo ya dingaka le ka bopaki, gore ba be ba babja, ba bile *se*, ba bile *sela*. “Gomme ba amogetše a a Makgethwa, a swanetšego go ba, Mangwalo a a šušumeditšwego, le go a bea tekong, gomme ga se therešo.” O ne dihlatse go e netefatša, gore, “Mantsu a ga se therešo, gobane O šitilwe lengwe le lengwe la ona nako yeo.”

⁷³ Bjale, bjale hlokamelang gape. “Gomme O šitilwe. Modimo o šitilwe go dira badumedi ba, bao ba dumetšego ka go Lentšu la Gagwe, ba le tšere feela tlwa, ba ile go kgabola tlwaelo, tlwa se A se boletšego, gomme ka gona Modimo ga se a ke a šuthišetša monwana go ya go direng eng kapa eng go ya go tshepišo ya Gagwe; mengwaga le mengwaga e fetile.” Ka gona o rile, “Go ka reng ge Mangwalo a mangwe, boka go kolobetšwa, ‘yo a dumelago gomme a kolobetšwa o tla phološwa,’ gona ga go yo a phološwago? Go reng ka Mangwalo a ao a tshepišitšego gore O tla bowa? Ga go le tee la ona le nepilego. Gobane, a ga se a nepa, gomme *ao ga* se a nepa. E no ba Puku ya nonwane. Gomme monna ba ke badumedi. Efela, Yena, Modimo, o tshepiša dilo tšohle di a kgonega go badumedi, gomme ba ke badumedi.

⁷⁴ “Efela, gape, O tleleima go ba a phela ka morago ga papolo ya Gagwe. Beibele e bolela, gore, ‘O tsogile go tšwa bahung, gomme o sa dutše a swana maabane, lehono, le go ya go ile.’ Gomme ga

go yo motee a bonego Monna yo ka mabadi a dipikiri diatleng tša Gagwe, a sepela magareng ga kereke, le go ya pele. Gomme Bahebereg 13:8 ga e bjalo. Ga a swane maabane, lehono, le go ya go ile, gobane ga se nke A ke a ba go feta motho. Ga A kgone go boloka tshepišo ya Gagwe. O netefaditše, ka dihlatsē tše, ga A boloke tshepišo ya Gagwe, kagona Puku e swanetše go lahlwelwa ka kotikoting ya matlakala gomme go lebalwe ka yona. Ga go na selo se sebjalo.”

⁷⁵ Bjale, elelwang, ke šomiša segalontšu sa motšhotšhisi, go kokotela molato wa gagwe. “Go lokile, O boletše ka go Luka 17:30, moo A rilego, ‘Mo matšatšing a mafelelo, Morwa wa motho o tla utollwa,’ Modimo o tla ikutolla ka Boyena go Peu ya Abraham,” bjalo ka ge a kwele moreri wa lehlanya a rera nako ye nngwe le go bolela gore O tla ikutolla ka Boyena gape ka go batho, a bitšwago Morwa wa motho.

⁷⁶ “Kutollo 10, O bolela gore O tleleimile motseta wa morongwa wa mafelelo, go ya ka lebaka la kereke ka go Laodikia, e bego e tla ba bolelo, gore Jesu o tla ba (a bego a le Lentšu) go bewa ka ntle ga kereke. O tleleimile gore ka mabakeng a gore go be go le dilo tše di bego di se tša utollwa go bumpshafatši ka matšatšing a pele, eupša ka matšatšing a mafelelo, gore, mafelelong, wa morongwa wa bošupa, Molaetša wa motseta wa bošupa, gore Mangwalo a ohle a tla dirwa go ba kgonthe le go dirwa go bonagala. Ga go motho yo bjalo lefaseng, a sego a ke a tsoge gomme a ka se tsoge a ba,” o a tleleima.

⁷⁷ O tleleima seo, ka go seo, “Modimo o tleleima ka Beibeleng ya Gagwe, gore kereke e tla ba female le go tloga go yona mong, gore ka go Maleaki 4 O tla romela gape moprofeta, yo A šetšego a mo rometšego, gabedi, Eliya le Johane Mokolobetsi. O tla romela moprofeta ka... gomme o tla ba maatleng a Eliya. Gomme bodiredi bja gagwe, ditiro tša gagwe, se sengwe le se sengwe, e tla ba Eliya. Gomme ka gona ka bodireding bja gagwe, o tla be a bitša batho go tšwa leemong le la female, morago go ya kgonthe Tumelo ya mmapale ya botate ba boapostola. Gomme ga go selo se sebjalo se kgatlampanganago.

⁷⁸ “Gomme gape O tleleima gore bobedi legodimo le lefase di tla šitwa, eupša Lentšu la Gagwe le ka se tsoge la palelwa.” Gomme o re o na le netefatšo mo, morago ga sekgalela se, go laetša gore Le a šitwa. “Gomme ke mang Jesu yo yo a tsogilego go tšwa bahung? Lena bohole le šometše godimo ka go seholpha sa saekolotši ya monagano. Gomme ga go selo se sebjalo; le tshepetše go kholofelo ya maaka.”

⁷⁹ Bjale, ke nagana seo se nyakile go lekanelo go yena go bolela. Ke a nagana o tšeetše Beibele ka moka ka gare. Bjale a nke a dule fase, motšhotšhisi. Bjale a nke hlatse ya motšhotšhisi e dule fase le yona. Ba dula fase go tloga boemong.

⁸⁰ Gomme mo sefaleng bjale, re tla bitša Hlatse ya Mosekišwa, Moya wo Mokgethwa. O tla go bolela. Ke a holofela le bona ka tsela ye motšhotšhisi a bilego le molato wa gagwe o kokotetšwe fase ka Lengwalo. Bjale, Hlatse ya Mosekišwa, e lego Moya wo Mokgethwa, o tla go šireletša Mosekišwa, Lentšu. Ke nagana ba ka be ba se ba kgona go hwetša ye kaonana.

⁸¹ Sa pele, O biletša šedi go kgorotsheko ye, gore mohlatholli wa Lentšu la Modimo, go batho, motšhotšhisi, ke mohlatholli wa go swana yo a hlaholotšego Lentšu la Modimo go Efa. O nyaka kgorotsheko go kwešiša seo, gore mohlatholli ke mohlatholli wa Efa, yo a rego nthatana ye nngwe le ye nngwe ya Lona e be e lokile eupša feela Lentšu le tee. Gomme O nyaka le tsebe gape... O be a le yo Yena, elelwang, Yo a ngwadilego Beibe. Gape o nyaka le tsebe, gore, mo mathomong, lentšu le tee lela go tloga go Lentšu la Modimo, le hlotše lehu lohle le manyami le bolwetši. Gomme O nyaka le tsebe gore Modimo gape o rile, ka go Lentšu la Gagwe, go tema ya mafelelo, go swana le ya pele, gore, "Mang kapa mang yo a ka tlošago eng kapa eng go tšwa Mo, goba a bea e ka ba eng gape go Lona, karolo ya gagwe e tla tlošwa go tloga Pukung ya Bophelo." E swanetše go ba Lentšu, gomme Leo le nnoši. O nyaka kgorotsheko go tseba ke mang a dirilego tgohle go kokotela go go thata bjale, ke mohlatholli wa Efa.

⁸² O nyaka lena ye...go bitša šedi ya kgorotsheko gape, ke gore, Hlatse ya Mosekišwa, O nyaka go bitša go kgorotsheko ye le go le laetša gore ditshepišo di no ba feela go badumedi; e sego baitirabadumedi, mofelapelo, goba mogononi. Go fetola seswantšho a ga e? Ke feela...E sego go batho ba ba ipitšago badumedi bonabeng; ke go badumedi feela, e sego go bao ba rego ke bona badumedi. Sathane o re ke yena modumedi, le yena, le a tseba. Ga se go bona. E no ba feela go badumedi ba kgonthe.

⁸³ Gomme Hlatse ye ya Mosekišwa e swanetše go tseba ge eba monna ba ke badumedi goba aowa, ka gore, morago ga tšohle, Hlatse ya Mosekišwa ke mo—mo mophediši wa Lentšu ka Bolona. O tseba ge eba o a dumela goba aowa. Ke Yena yo a filwego ke Modimo, go Le dira le phethagale. Haleluya! Yena ke Yo a netefatšago seo. Yena ke Yo a Le dirago go phethega. Yena ke Yena Yo a tsebago ge eba Le wetše ka lefelong la maleba goba aowa, Hlatse ye ya Mosekišwa bakeng sa Lentšu. Hlokomelang, O nyaka go bitša gape go badumedi, Hlatse ya Mosekišwa e tseba ge eba ke yona goba aowa, Yena ke mophediši wa Lentšu.

⁸⁴ Gomme gape O biletša šedi ya kgorotsheko go Lentšu la tshepišo le lego potšišong. Ga se nke A bea nako ye itšego go dilo tše go direga.

⁸⁵ Le bona ka fao ba kgonago go go balela Lentšu bošaedi? Bjale mathaka a ba rego, "A ke bone *se se* direga," le a bona, ebile ga ba bale Lentšu gabotse. Ke gore, ge monna e le modumedi wa therešo, go le bjalo ga A bea magomo e ka ba afe a nako.

⁸⁶ Gape O nyaka kgorotsheko go elelwa gore Lentšu le le ngwadiłwe, gomme Jesu Kriste, Lentšu le le bonagaditšwego, o rile, "Lentšu ke peu yeo mobjadi a e bjetšego." Gomme peu e kgona feela go itšweletša yonamong, ya tšweletša tshepišo ya yona, ge e le ka go mohuta wa maleba wa mobu wo o tla phedišago peu. Amene. Mohuta wa go fetola mo—mo molato, a ga re? E swanetše go ba lefelong la maleba.

⁸⁷ Thoro ya peu e robetše godimo ga teseke ye e ka se tsoge ya mela puno. Thoro ya—ya lehea godimo mo, ka lekgwareng, e ka se dire sello. Thoro ya lehea e swanetše go wela ka mobung wo o nontsheleditšwego thoro yela ya lehea, goba e ka se mele.

⁸⁸ Gomme Modimo o boletše gore Lentšu la Gagwe ke peu yeo mobjadi a e bjetšego, gomme e swanetše go wela ka go mohuta wa maleba wa mobu. Mobu woo ke tumelo. Ke peu, gomme e swanetše go wela ka mobung wo, goba e ka se kgone go phedišwa. Ka mantšu a mangwe, Moya wo Mokgethwa, Hlatse ya Mosekišwa mo, o bolela gore ebile A ka se kgone go tla go yona go fihla e wela ka go mohuta wa maleba wa mobu. Yena ke mophediši wa yona.

Hlatse ya Mosekišwa e bitša bohlatse bja gagwe bja mathomo.

⁸⁹ Ke nagana ge motshotshisi a ka kgona go bitša dihlatse, mo lefaseng, gore a netefatša gore Lentšu le be le fošagetše, ke nagana Hlatse ya Mosekišwa e ne tokelo go bitša dihlatse bao ba ka netefatšago Le nepile. Ka gore, potšišo bjale e gare ga badumedi le basedumele, le Lentšu, ge Lentšu le gola.

⁹⁰ Hlatse ya Mosekišwa e nyaka go tsebiša go kgorotsheko ye, morago ga sekglela se, hlatse ya mathomo, ke Noage. Noage o boletše gore o phetše ka go lebaka la saense kudu. Noage o nyaka go paka. Gomme o rile o phetše mo letšatšing ge batho ba tlogile go mehlolo le dilo. Gomme ka gona o kwele Lentšu la Modimo le mmotša gore O be a eya go senya lefase ka meetse, gomme meetse a be a etla fase go tšwa godimo. E be e tla na, yeo e sego ya ke ya e dira pele. Eupša o bolela gore le—le Lentšu la Modimo, yena go beng moperfeta, Lentšu le tlide go yena, gomme o ile go rera gore Lentšu le be le eya go tla go phethaga, ka gobane E be e le Modimo. Gomme gape o nyaka go dira kgorotsheko ye go tseba gore Mna. Mosedumele, Mna. Mogononi, le Mna. Mofelapelo, ba mo lekile nako yohle. Eupša ka go ba moperfeta, a tseba gore Modimo ga se a kgona go aketša, o swareletše go Lentšu, go sa kgathale.

⁹¹ Ba tlide go yena gomme ba rile, "Bjale, Noage," Mna. Mosedumele o rile, "o ya go netefatša bjang gore go ne pula ye e itšego godimo kua?"

⁹² "Ga ke tsebe moo e lego. Eupša ge Modimo a boletše bjalo, seo—seo se a e rumo."

"E ya go na bjang ge go se pula godimo kua?"

“Ga ke tsebe. Eupša Modimo o boletše bjalo, gomme seo se a e ruma.”

⁹³ Mna. Mogononi o tla tikologong gomme o rile, “Ge go ka ba selo se sebjalo bjalo ka pula e theoga fale, gona O ya go swanela go tla tlase fa le go hwetša pula le go e iša godimo fale. O ya go dira seo bjang?”

“Ga ke tsebe.” “Gomme morago ga ge ke agile areka . . .”

⁹⁴ Sa pele o nyaka go bolela, gore ge a dirile setatamente se, go beng moprofeta magareng ga batho, yo mongwe le yo mongwe o mo segile, gomme o rile, “Ga ke bone pula e ka ba efe.”

⁹⁵ Gabotse, ge a ile go šoma arekeng, ba rile, “Mohlomongwe ka morago ga areka . . .” Mna.—Mna. Mofelapelo o lekile go mmotša, “Mohlomongwe ka morago ga ge areka e agilwe, gona go tla tla pula.” Eupša ge areka e fedile, go le bjalo ga se ya ke ya na.

⁹⁶ Ga se nke ya na letšatši la go latela, ga se nke ya na beke ya go latela, ga se nke ya na—ga se nke ya na kgwedi ya go latela, ngwaga wo o latelago. Gomme ge a feditše areka, go le bjalo ga se nke ya na.

⁹⁷ Gomme ka gona o rile, letšatši le lengwe Segalontšu sa Modimo se tlie morago go yena le go mmotša gore o tla bona leswao la kagodimogatlhago magareng ga tlhago, gore dinonyana le diphoofolo di tla be di eya ka go ye. Gomme ka gona Mna. Mosedumele o mo segile le go re, “E fetogile bodulo bja dinonyana. O dirile segola, sebakeng sa seo.” Gomme bohle ba segile le go dira metlae ka yena.

Eupša, letšatši le lengwe, Modimo o boletše le yena, gomme o rile, “Eya ka arekeng.”

⁹⁸ Gomme Noage o eme mojako gomme a re, “Le hwetša pitšo ya lena ya mafelelo. Etlang ka gare!” Gomme ga go yo a tlago ka gare eupša lapa la gagwe mong.

⁹⁹ Kafao o re o ile ka arekeng. Gomme o rile go lapa la gagwe le lennyane la go ratega, bjale, yo ke moprofeta Noage, “Oo, ka go iri ye nngwe, ga go pelaelo, pula e tla be e ena.”

¹⁰⁰ Gomme ge a tsene ka gare, mojako o tswaletšwe ka morago ga gagwe ka sa kagodimogathago. O rile, “Le a bona bjale, hani,” go mosadimogatša wa gagwe, go ngwetsi ya gagwe le barwa ba gagwe, “re notleletšwe ka gare le Modimo.

¹⁰¹ “Bjale re na le lefastere godimo mo. Kitimelang godimo ga ditepisi, ka pela ka nnete. Le se e foše. Kitimelang godimo, ka pela ka kgontha, gomme e yang godimo mo bjale. E lokela go na, ntle le pelaelo.”

¹⁰² Gomme ba bangwe ba batho ntle kua ba ba mo kwelego a rera, ba rile, “Ke a makala ge eba lehlanya lela la kgale le ka be le rereša?” Mna. Mosedumele, Mna. Mogononi, Mna. Mofelapelo,

bohle ba tla tikologong, ba rile, “Re tla hwetša.” O rile, “Noage a o ka kua?”

“Ee.”

“Bula, re rata go lebelela tikologong.”

¹⁰³ Modimo o tswaletše lemati. Nka se kgone go le bula. Ga go na seswaro ka fa go le bula ka sona.”

¹⁰⁴ Bjale ba rile, “Mokerenke wa kgale, o ile ka fale gomme a tswalela lebati lela, le go leka go re dira gore re nagane... Ke bofora. O leka go re tšoša.”

¹⁰⁵ Gomme šedile dihlatsé tša motšotšhisí, di dutše fale, di theeleditše sohle se, ka gore ba na le molato wa go e dira. Beibele e boletše bjalo, “Bakweri!”

“Gomme ba nkwerile, ba dirile metlae ka nna.

¹⁰⁶ “Gomme ebile, ka bona, ke be ke lebeletše pula. Letšatši lohle botelele, go be go se pula. Letšatši la go latela, go be go se ne pula. Letšatši la go latela, go be go se ne pula. Matšatši a mane, go se pula. Matšatši a mahlano, go se pula. Matšatši a tshela, go se pula. Eupša Modimo ga se a mpotša e be e eya go na neng, O nno re, ‘E ya go na.’ Ga se A ke a bea nako ya magomo e ka ba efe. O nno re, ‘E ya go na.’”

¹⁰⁷ Ga se nke A re, “Ka pela ge o bea diatla go balwetši, ba ya go tabogela godimo le go kitima go dikologa lebato,” boka bagononi ba nyaka go le dira le nagane. O rile, “Ba tla welwa ke maruru.” Ga se nke A re neng, bjang. “Ba tla dira!”

¹⁰⁸ O rile, “Thapelo ya tumelo e tla phološa molwetši,” ka go Jakobo 5:14, “Modimo o tla mo tsošetša godimo.” Neng? Ga se A bolela. O nno re o tla dira.

¹⁰⁹ Mareka 16, O rile, “E re go thaba ye, ‘šuthišwa,’ gomme o se dikadike pelong ya gago, eupša wa dumela gore se o se boletšego se tla direga.” Ga se A ke a bolela gore neng. O rile e tla dira! Haleluya!

¹¹⁰ Le bona mohlatholli yola wa maaka wa Lentšu fale? Ka gona o re, “Gabotse, a ke go bone o dira monna yo, o be a le ka setulong sa bagolofadi nako ye telele. A nke ke bone. O re o na le tumelo.” Diabolo yola! Le bona yo a lego?

¹¹¹ Jesu ga se a ke a re ba tla tabogela thwi godimo gomme ba e hwetša thwi nako yeo. Bontši bja batho ba Pentecostal ba naganne selo sa go swana, eupša Beibele ga se nke ya bolela seo. O rile, “Ge ba e dumetše, ba tla fola.” Gomme O na le dihlatsé tša Gagwe mo go e netefatša.

¹¹² Noage o rile, “Ka morago ga mengwaga ye lekgolo le masomepedi, nako yeo e ile ya na.” Eupša, e nele. Noage o tsebile gore o be a eya go e bona mo molokong wa gagwe, gobane o agile areka, o be a le komana go tsena.

¹¹³ Bjale, bjale re hwetša gore yeo e be e le therešo. Bjale yoo ke Noage, hlatse ya pele.

¹¹⁴ Bjale, hlatse ya bobedi, re tla e bitša. A re bitšeng Abraham. O rile, “Ke be ke le mopropfeta, gomme ke profetile ka tlase ga tšhušumetšo ya Modimo. Gomme O mpoditše gore mosadimogatša wa ka, a le masometshela tlhano a mengwaga ka bogolo, gomme nna ke le masomešupa tlhano, ka mengwaga, mo nakong, gore ke be ke eya go ba le lesea ka Sarah. Efela, kgonthe, o be a...ke be ke sa belegiše; o be a le, popelo ya gagwe e be e hwile. O be a le mengwaga ye masomepedi, goba bontši, go feta menophose. Ke be ke phetše le yena mengwaga ye yohle, gomme go be go se leswao la bana. O be a le, popelo ya gagwe e be e hwile. Gomme, eupša Modimo o mpoditše ke be ke eya go ba le lesea ka yena.

¹¹⁵ “Gomme le a tseba, Mna. Mosedumele, Mna. Mogononi, le Mna. Mofelapelo, morago ga matšatši a pele a masomepedi seswai, ge go se selo se diregilego go Sarah, ba ntshegile le go dira metlae ka nna. Ngwaga wa pele, ba tlide go nna le go re, ‘Ke bana ba bakae le nago bjale?’”

¹¹⁶ Eupša, ka morago ga mengwaga ye masomepedi tlhano, lesea la tla go lefelotiragalo. E diregile. Modimo ga se a ke a re, “O ya go ba le lesea beke ye e latelago, ka Sarah.” Ga se A ke a neela nako ye e itšego. O rile o tla ba le lesea ka Sarah. Ga se A ke a bolela neng. O nno re o tla dira.

¹¹⁷ Kafao Abraham o rile, “Gomme ga se ka tekateka go tshepišo, ka gosedumele. Eupša ge e dikadikile, ke tieletše nako yohle. Gomme go boneng ge ke fokola mo nameng, e bego e le tšhičo ya lesea le le tlago, sebakeng sa go fokola tumelong, ke bile go tia kudu ka tumelong, gobane ke tsebile gore Modimo o be a kgonia go boloka Lentšu la Gagwe.

¹¹⁸ “Kafao letšatši le lengwe ke be ke dutše, ke bolela le Sarah, gomme Morongwa wa Morena a tla godimo. Monna ba bararo, ba babedi ba bona ba ile Sodoma; yo Motee o eme kgaušwi le nna gomme a bolela le nna, gomme a mpotša gore dilo di be di eya go direga. Gomme ke be ke tšofetše le go kobega magetleng a ka, gomme Sarah o be a sa kgonia le go ya tikologong. Gomme, le a tseba, lona letšatši la go latela, ke thoma go bona thota e tšwela ka ntle ga mokokotlo wa ka. Gomme moriri wa ka o thoma go fetoga boso, gomme dithama tša Sarah di eba tše khubedu.”

¹¹⁹ Bjale o re, “Bohlanya, Ngwanešu Branham!” Motsotsotso feela, bona ge eba o dirile. Hlokamelang, ba boetše morago go monna le mosadi yo moswa. Bjale o re, “Oo, Ngwanešu Branham!” Bjale, Modimo o uta Molaetša wa Gagwe gare ga methaladi. Seminari e ka se tsoge ya O tseba. Yeo ke nnete. Aowa, aowa. Ke kanegelo ya lerato.

¹²⁰ Mosadimogatša wa ka godimo kua, o nngwalela lengwalo. Gomme o bolela selo se tee godimo ga lengwalo, eupša ke kgonia

go bala gare ga methaladi. Ke tseba se a bolelago ka sona, gobane ke a mo rata, ke no tseba tlhago ya gagwe. Ke tseba se a se rago. “Ke dutše mo bosegong bjo, Billy. Bana ba ka mpeteng. Ke nagana ka wena.” Oo, ke—ke tseba se a se rago, le a bona, le a bona, gobane ke a mo rata.

¹²¹ Gomme ge o ratana le Modimo, gomme Moya wa Modimo o ka go wena, Moya wo Mokgethwa ka Boyena ke mohlatholli wa Lentšu le.

¹²² Hlokamelang, ba be ba kgekotše gabotse ka mengwaga bjale, Beibebe e boletše bjalo. Ka pela bjale, re tla bofelong. Ka gona a re, “Ke boetše morago bosoganeng. O retologetše morago go mosadi yo moswa.”

Le re, “Oo, Ngwanešu Branham!”

¹²³ Theetšang, gore a hwetše lesea lela . . . Popelo ya gagwe e be e hwile; moela wa bophelo bja gagwe o be o hwile. Bjale go hwetša . . . O be a tla swanela ke go mo direla popelo ye nngwe. A O be a ka swanela go e dira? Gomme ka gona ba be ba se na le mapotlelo a ba bego ba a hlabka molomong wa lesea, gore mme a kgone go kitima go dikologa mo gohle. Matšatšing ao, e be e swanetše go ba mme wa go koloba. Kafao gore a dire seo, ditšhika tša maswi di be di omile, kafao O tla swanela go dira megalatšhika ye meswa, le go ya pele, go fepa lesea. Gomme selo se sengwe, mosadi mengwaga ye lekgolo ka bokgale, o ya ka lešokong? O be a tla swanela go mo direla pelo ye mpsha. Le a bona? Kafao O ile a no se e tshese. O laeditše, ka go yena, se A yago go se dira go Peu yohle ya Abraham, ba tla retologela morago bosweng, ba hwetše mmele wo moswa go amogela Morwa yo a tlagoo re mo lebeletše. Ke sa dumela tshepišo.

Le re, “Bohlanya!”

¹²⁴ Go lokile, feela motsotsso. Šetšang, ba tšere leeto, dimaele tše makgolotharo go tloga moo ba bego ba le ntshe, go theogela ka nageng ya Bafilisita, go ya Gerare. Gomme tlase kua go be go le lesogana ka leina la Abimeleke, o be a le kgoši, gomme o be a nyaka moratiwa, le bohole basetsana bale ba babotse ba Bafilisita. Šefa go tla makgolo yo monnyane, Sarah, bjale, ka šolo ya gagwe godimo, le Abraham. Gomme Abraham o rile, “Morategi, ke nyaka o ntirele kgaogelo.” O rile, “O botsana kudu go lebelwelwa, ge kgoši yela a go bona, o tla go tše bakeng sa mosadimogatša.” Gomme ge batho ba mmone, o be a le botse kudu! Makgolo? O be a le yo mobotse kudu, go fihla, Abimeleke a mo tše go ba mosadimogatša.

¹²⁵ Gomme ka gona A tšwelela go Abimeleke mo torong, gomme a re, “Monna wa gagwe ke moprofeta wa Ka. O a mo kgwatha, o no ba gabotse bjalo ka monna wa go hwa.” A ke nnete?

¹²⁶ O bontšha fale se A yago go se dira go bana bohole ba Abraham. O rile, “Ga se A bolela gore O tla e dira neng, eupša O rile O tla e dira.” Seo se lokile, mogwera, e no e lesa e ye pele. O

sla e dira go le bjalo. O e tshepišitše. Bjale, eupša mengwaga ye masomepedi tlhano moragwana, Sarah o bile le lesea, go tloga nakong ya tshepišo. Lentšu ga se la ke la bolela gore o tla ba le lona neng, eupša le rile o tla ba le lona.

¹²⁷ A re hlaganeleng le dihlatse tše bjale. Hlatse ya boraro, Moshe. O rile Modimo o mo file leswao go dira, go netefatša gore leo e be e le Lentšu la lebaka leo. O tšere Lentšu, ka leswao le Segalontšu, gomme a ya tlase pele ga Modiša Farao. Gomme Modiša Farao o rile, “Huh, ao ke mathadinthako a fase a maletlana. Ke na le monna fa yo a ka kgonago go dira selo sa go swana.” Gomme ba e dirile. Baekiši! O rile, “Ge nkabe ke se moprofeta le go tseba gore yola e be e le Lentšu le le tshepišitšwego, nkabe ke boletše gore ga go selo go yona,’ ka baka la gore baekiši ba ntłe mo ba dira selo se se swanago le se ke se dirago.” Eupša o tsebile e tšwa go Modimo, kafao o swareletše go iketla.

¹²⁸ Modimo o rile o tla lokolla batho gomme ba tla tla thabeng. O letile mohlomongwe ba tla bowa morago letšatši lela. Eupša, e bile mengwaga moragwana, eupša ba boile morago. Ba fihlile thabeng. Modimo o phethagaditše Lentšu la Gagwe. O ba tšeetše go ya nageng ya tshepišo, bjalo ka ge A boletše. O be a dumetše Lentšu la Modimo.

¹²⁹ Bjale thwi ka pela ke ya go hwetša hlatse ye nngwe, hlatse ya bone, ke Joshua. O rile, “Ge Modimo a re fa tshepišo, gomme re ile godimo go . . .” E no ba feela e ka ba dimaele tše masomenne le metšo. “Gomme ge re fihlile Kadese-banea, Moshe o rometše dihlatse ntłe go hwetša ge eba re ka kgona go e tše goba aowa. Gomme, oo, Baamaleke, gomme ditsitširipa tšela tše kgolo, le maboto a matelele,” o rile, “re ka se kgone go e tše, le gatee, go bonagetše eke.”

¹³⁰ Eupša yo mongwe o ile godimo le go tliša bohlatse morago gore naga e be e lokile. Kafao o rile, “Meloko yohle ka moka, ba rile, ‘Oo, re ka se kgone go e tše.’” O rile, “Ke eme godimo gomme ka homotša batho, le go ba dira ba tsebe gore e be e se bogolo bjia selo sela ntłe kua; e be e le tshepišo ya Modimo, gomme Modimo o tla e dira.” O rile, “Morago ga ge ke dirile batho go homotšwa, ga se nke A re iša mošola, letšatši la go latela, beke ya go latela. Mengwaga ye masomenne moragwana, O re išitše mošola. Eupša ga se A bolela O be a eya go re iša mošola neng; O rile O tla re iša mošola, kafao re ile mošola.”

¹³¹ Ke rata go ba le Jesaya go tla feela nakwana. Šetšang Jesaya. O rile, “Ke be ke le moprofeta yo a hlatseditšwego magareng ga batho. Yo mongwe le yo mongwe o be a ntumela. Go tloga go Kgoši Usia, bohole go theoga, ba be ba ntumetše. Ke be ke le moprofeta yo a hlatsetšwego. Se ke se boletšego, Modimo o se dirile go tla go phethega. O—O dirile mantšu a ka, ao ke a boletšego, go tla go phethega, gobane ke a boletše Leineng la

Gagwe, Jehofa.” O rile, “Letšatši le lengwe, Jehofa o boletše le nna gomme o rile, ‘Ke ya go ba fa leswao, kgarebe e tla ima.’ Gomme ke dirile, ke nno e bolela boka Jehofa a boletše.”

¹³² O rile, “Gomme ke nyaka le tsebe seo, kgorotsheko ye, gore mosetsana yo mongwe le yo mongwe wa Mohebere o beile diputsu le se sengwe le se sengwe komana go ba le lesea le. Kgarebe e be e eya go ima. Gomme o ile pele, dikgwedi, ga se ya direga. Dibeke, ga se ya direga. E ka ba mengwaga ye makgolo seswai moragwana, e diregile, eupša kgarebe e ile ya ima gomme ya belega ngwana.” Jehofa ga se nke a mmotša e ya go direga gosasa, kgarebe tsoko lebakeng la gago. O nno re, “Kgarebe e tla ima,” gomme seo se a e rarolla. Ga se A ke a bolela neng. O nno re o tla dira.

¹³³ Bjale, ge go thabiša kgorotsheko, a nke ke be hlatse ya Gagwe ya go latela? Ke tla rata go Mo hlatsela, hlatse ya go latela. Tshepišo ya Lentšu bakeng sa letšatši le, ke se ke hlatselago go sona.

¹³⁴ Tswaleng, bjalo ka mošemané yo monnyane ka Kentucky, le a se bona mo go dikarata tša thapelo le se sengwe le se sengwe, Seetša sela se eme fale. Ke boditše mme wa ka le papa wa ka, gohole go theoga lebaka. Ke a holofela se ga se kwagale ka sebele, eupša ke nno ema bakeng sa hlatse pele ga Gagwe. Yo ke Yena ka sebopego sa Lentšu. Ke be ke sa tsebe se e bego e se ra; ga go yo motee a tsebilego. Morago kua ka dithabeng tšela, ka go ye nnyane ya kgale... Ebile go se ne galase ya lefastere boka bohole le nago bjale; le bile le lebati le lennyane la kgale o le kgoromeditšego go bulega bakeng sa lefastere. Gomme mosong woo, Seetša se tlide ka gare.

¹³⁵ Ke tla botša batho, ka botša mama. Dilo tše ke tla di bolelagó, ka mehlá di tla direga ka tsela yeo. Ga se ba e dumela. Ba rile, “Ga go bjalo.” Eupša e ka ba mengwaga ye masometharo moragwana, Modimo o e netefaditše ka netefatšo ya sesaense, gore go be go le bjalo. Go be go le bjalo, ka gore ke tshepišo.

¹³⁶ Mo mohlareng, ka bogolo bja mengwaga ye šupago, moo Segalontšu se boletšego le nna gomme se rile, “O se tsoge wa kgoga, go sohla, goba go nwa, goba go tšhilafatša mmele wa gago.”

¹³⁷ Gomme nna ka legaeng la digatamorokwana, ke be ke sa tsebe le gore Beibele e be e le eng, go no feta lentšu. Re ka no ba re kgonne go hwetša almanaka, eupša e sego Beibele ka ntlong ya rena. Go se selo eupša sehlopha sa... E sego go bolela kgahlanong le batho ba ka, eupša Modimo o tseba tšohle ka yona. Go be go se tsela le gannyane, batho ba ka pele ga ka, morago ka morago ga seo ba be ba le Katoliki. Bohle ba be ba nyetšwe go tloga kerekeng le go ya kgole, gomme go be go se bodumedi le gannyane. Ebile ga se re fe šedi ye e itšego go yona.

¹³⁸ Eupša O—O mpoditše se se bego se eya go direga, gore ke se ke ka kgoga, goba go nwa, goba go tšhilafatša mmele wa ka ka tsela e ka ba efe, go tla ba le mošomo go nna go o dira ge ke eba yo mogolo. Gabotse, e bile mengwaga le mengwaga ka morago ga fao. Ke tsebile bjang gore ke tla ba modiredi? Ke hloile mogopoloo wa moreri. Eupša e diregile, go le bjalo. E ya go laetša gore O boloka Lentšu la Gagwe. Mengwaga ye lesomešupa morago ga ge A bonagetše go nna fale ka sethokgwengweng . . .

¹³⁹ Re hwetša, letšatši la go latela ka morago ga fao, O ntaeditše leporogo le tshela noka, go tšwa lehlaoreng le lengwe go ya go le lengwe, o laeditše monna ba lesometshela go wa go tšwa go lona. Ke boditše mama. A dutše kgahlanong le mohlare, a o lebeletše. O rile, “O ile go robala, hani.”

Ke rile, “Aowa, ga se nke, mama. Ke e bogetše.”

¹⁴⁰ Mengwaga ye lesomešupa tlwa go tloga letšatšing leo, Leporogo la Masepala ka Jeffersonville le namaletše godimo ga Kentucky, gomme la bošupa . . . Gomme monna ba lesometshela ba lahlegetše ke bophelo bja bona go lona, feela tlwa boka e boletše. Aa, kafao Mna. Mosedumele o ntekile nako yohle!

¹⁴¹ Gomme a nke ke no biletša šedi go motšhotšhisi yo wa sefov, ka ga Jesu a le mo ka mabadi a dipikiri ka seatleng sa Gagwe. Ga se nke A bolela selo se sebjalo ka seo. O rile, ge A retologa go tšwa Legodimong, gore, “Letolo le lengwe le le lengwe le tla kobega, gomme leihlo le lengwe le le lengwe le tla Mmona, gomme leleme le lengwe le le lengwe le tla ipolela.” O tshepišitše feela go retologela ka maatleng a Moya le go hlatsetša Lentšu la Gagwe, la Mareka, le go se A tla se dirago. O no se . . . Ba no se e hwetše.

¹⁴² Bjale, godimo ga motheo wa poledišano ye, morago ga sekaglela se, gomme rena re phela . . . E lego, ke ya go swanela go tlogela, le mpona ke phetla matlakala a a sehlogo le dilo, Ke swanetše go e tliša ntle, eupša ke nagana re kgauswi go lekanelia bjale go e hwetše.

¹⁴³ Bjale go le bjalo ba ka se e dumele. Jesu o tshepišitše gore, “Bjalo ka ge go bile matšatšing a Noage, gomme bjalo ka ge go bile matšatšing a Loto, go tla ba mo letšatšing la mafelelo.” Re na le yona. E mo. E šetše e hlatsetše, feela ke Mangwalo a makae! Ka go lebaka la Sodoma, se se diregilego go Abraham, se tla bowa morago gape go Peu ya bogosi ya Abraham, ye e lego ka go Kriste; Kriste a bowa ka sebopego sa Lentšu, a šoma ka go batho, le go bontšha maswao ao A tshepišitše a tla laetša, a tla dira. O tshepišitše gore O tla e dira. Modimo o e tshepišitše. Gomme Modimo o tla boloka tshepišo ya Gagwe.

¹⁴⁴ Gomme bjale, mengwaga e se mekae ya go feta, ke le boditše gore O boletše le nna le go re, “Go tla ba magato a mararo a a bodiredi bjo. Gomme le lengwe la ona e tla ba ka go tšea batho ka seatla, gomme o tla tseba se mathata a bona a bilego.” Ke ba

bakae ba elelwago seo? Kgonthe. A ga se ka le botša, “Ge nka hlokokala,” gore O mpoditše, “go tla direga gore ke tsebe ebile le sephiri se se bego se le ka pelong ya bona”? A ke le boditše seo? Ke ba bakae ba elelwago seo? A se diregile? Ga se ya ke e direga letšatši le le latelago, e bile mengwaga moragwana, eupša e diregile.

¹⁴⁵ Gomme O boletše tlase nokeng, O rile, “Bjalo ka ge Johane Mokolobetši a romilwe pele go kwalakwatša go tla ga Kriste, mo bofelong bja bodiredi bja gagwe, Jesu o tlide. Gomme bjalo ka ge Johane a romilwe, kafao bodiredi bja gago bo tla bula madibogo a go Tla la Bobedi ga Kriste.” Gomme go bile le tsošeletšo ya lefase tšekelele magareng ga batho ba Modimo, go kgabola lefase, ka go mengwaga ye lesometlhano ya mafelelo; tsošeletšo ye teleletele. Rahistori e ka ba mang o a tseba gore ga go tsošeletšo ye e tšeago godimo ga mengwaga ye meraro. Gomme ye ke mengwaga ye lesometlhano. Gomme lebelelang kereke lehono, e a tšidifala. Re letile go Tla ga Gagwe. O a itlhhatsetša Yenamong, go bontša.

¹⁴⁶ Bjale, dilo tšohle tše di diregile. O tshepišitše ka fale, gore, “O tla tseba sephiri sa pelo.”

¹⁴⁷ Bjale legato la boraro le no phulega ka go bodiredi bjale. Nka se tšeepišitše ka fale, gore, “O tla tseba sephiri sa pelo.”

¹⁴⁸ Bjale, ge ke le boditše, ge la mathomo ke etla ka Kansas City tlase mo, le tlase ka Arkansas, gore dilo tše di tla direga, gomme šedi. Re dihlatsi tše di phelago gore di diregile. [Lefelo la go se be le selo godimo ga theipi—Mor]. . . Modimo o rile go tla tla go phethega. Ga se e re e tla direga thwi nako yeo. O rile e tla phethagala.

¹⁴⁹ Mareka 16 e rile, “Maswao a a tla latela bona ba ba dumelago.” Ge ke se modumedi, gona gobaneng Lentšu le le hlatsetswa Therešo?

¹⁵⁰ Ge le se badumedi, gona gobaneng Modimo a le file Moya wo Mokgethwā? O ka no ba le mehuta yohle ya diponagatšo, o ka no kitima, go bolela ka maleme, le go dira dilo boka batho bao ba nago le Moya wo Mokgethwā; eupša ge seo e se selo sa mmapale ka pelong ya gago, se ka se tsoge sa tliša Lentšu leo bophelong. Eupša ge e le selo sa mmapale ka kua, “magodimo le lefase di tla feta, eupša Lentšu lela le ka se kgone go šitwa.”

¹⁵¹ “Maswao a a tla latela bona ba dumelago; ge ba bea diatla tša bona go balwetši, ba tla welwa ke maruru.” Gomme le bona ba bangwe ba welwa ke maruru. Ga se A re ba tla welwa ke maruru thwi nako yeo. O rile, “Ba tla welwa ke maruru ge ba ka be ba e dumetše.”

¹⁵² Ke ba bakae bao ba kwago, yeo ke Therešo? Ke ba bakae ba dumelago gore Lentšu la Modimo ke nnete? Le no hlathollwa bošaedi go batho. A ga le dumele seo? Le no hlathollwa bošaedi.

¹⁵³ Bjale, e sego morago ka matšatšing a Luther, e sego morago ka matšatšing a Paulo, e sego morago ka matšatšing a Noage le dihlatsi tše dingwe tše, e sego mengwaga ye lesometlhano ya go feta ge ke le biditsi dilo tše di tla direga; eupša lehono ka Topeka, Kansas, letšatši le, iri ye, motsotso wo, a re biletšeng Lentšu la Modimo go makgaolakgang. O tshepišitše se se tla direga mo matšatšing a mafelelo.

¹⁵⁴ Bjale a le a dumela O boloka Lentšu la Gagwe? [Phuthego e re, "Amene."—Mor.] O swanetše go boloka Lentšu la Gagwe, gore a be Modimo. O swanetše go e dira. O swanetše go boloka Lentšu la Gagwe.

¹⁵⁵ Bjale, a O tshepišitše, "Bjalo ka ge go bile matšatšing a—a Sodoma, e tla ba selo sa go swana ka go tleng ga Morwa wa motho," gore O tla—tla utollwa ka matšatšing a mafelelo boka A bile go Abraham le Peu ya gagwe ka Sodoma? A O tshepišitše seo? [Phuthego e re, "Amene."—Mor.] Luka tema ya 17, temana ya 30, le ka kgona go e bala. Bjale, O tshepišitše seo. O rile e tla direga. Jesu o rile Mangwalo ohle a swanetše go phethagatšwa, tšohle A di tshepišitše.

¹⁵⁶ A O tshepišitše ka go Maleaki 4, se A tla se dirago ka matšatšing a a mafelelo? Gomme ka pela morago ga ge wo o tla tla mollo, le go tšuma mosedumele godimo, gomme baloki ba tla sepela godimo ga melora ya mosedumele. Yeo ke nnete. Gabotse, re thwi fa mo lebating.

¹⁵⁷ Bjale, feela pele mafula a magolo a etla ka gare, O tshepišitše eng? Feel a pele ga go tšwela ka ntle ga Noage—ga Noage... goba Moshe a etla go tliša bana ba Israele ka ntle, go diregile eng? Feel a pele ga go tla ga Jesu, go diregile eng?

¹⁵⁸ Johane, ga se re mo tliše go hlatsela. Re bile le yena tlase fa, eupša e sego go hlatse, ka fao gore o biditsi kgole go tloga go thutamodimo yohle ya letšatši lela, go ya ka lešokeng, gobane o be a swanetše go tsebagatša, o be a swanetše go tseba Mesia.

¹⁵⁹ Gabotse, ge nkabe re ile tlase sekolong, go tatagwe. O rile, "Bjale, ke nna mogwera yo mogolo wa papago. Oo, o be a le mokgalabje yo mogolo. Ke a mo rata. Gomme ke a tseba... Bjale a Ngwanešu Jones ga se Mesia yola? Bjale le a tseba, Johane, ke yena."

¹⁶⁰ Le a bona, o ikarogantše yenamong. Ka bogolo bja mengwaga ye senyane bogolo, o ile ka lešokeng, gobane o be a le morati wa lešoka. Moya wa Eliya o be o le godimo ga gagwe. Gomme Moya wa Eliya; e be e se Eliya, o be a le motho; e be e le Moya wa Modimo ka Lentšu leo ka letšatšing leo. Gomme o ile ka lešokeng. Ka gona ge a tšwela ntle, o—o ile a swanelwa ke go tsebagatša Kriste, e sego monna wa go loka, eupša, "Godimo

ga Yena yo o tla bonago Moya o theogala.” E sego monna o be a le morutiši yo mokaonekaone, e sego monna o be a le motho yo bohlokwa kudu ka nageng mo letšatšing leo, eupša, “Godimo ga Yena Moya wo Mokgethwa Yenamong o tsebagaditšwe bjalo ka Lentšu.” Lona Lentšu ka Bolona le tsebagaditše Lentšu.

¹⁶¹ Bjale O tshepišitše gore mo matšatšing a mafelelo. Jesu o tla dira, go swana maabane, lehono, le go ya go ile. A le a e dumela? [Phuthego e re, “Amene.”—Mor.]

¹⁶² Bjale a re inamišeng dihlogo tša rena feela nakwana. Ebang le tumelo. Se belaeleng. Dumelang.

[Kgaetšedi o bolela ka leleme le lengwe, gomme morago a fa tlhathollo. Ga go selo lefelong la theipi—Mor.] Lebogang Morena.

¹⁶³ Go lokile. O a swana maabane, lehono, le go ya go ile. A le a e dumela? [Phuthego e re, “Amene.”—Mor.]

¹⁶⁴ Bjale ke eng se A se tshepišitšego go itlhatsela ka Boyena? Ka go monna, nama ya motho, boka A dirile go Abraham, “Ge Morwa wa motho . . .” E tla ba Morwa wa motho, e sego—e sego—e sego Morwa wa Modimo bjale; Morwa wa Modimo ka go Morwa wa motho. Ka go Hesekiele, tema ya 1, temana ya 2, Jehofa o biditše Hesekiele Morwa wa motho, tlwa se Jesu a ipitsago Yenamong. Le kwešiša seo, ka thuto ya beke. Bjale, le a bona, ke eng Morwa wa motho? Ya seprofeto. Maleaki 4 e be e le eng? Go ba moprofeta. Dilo tše di be di le eng di swanetšego go direga ka matšatšing a mafelelo? Bjale, ga se nke A re neng. O rile di tla direga, gomme di dirile. Bjale, wena, ge A sa le Morwa wa Modimo, Morwa wa motho; a loketše go utollwa ka matšatšing a mafelelo godimo ga terone ya Dafida, bjalo ka Morwa wa Dafida. Le a bona, šetšang, gona ge A . . . Ge yeo e le nnete, O tshepišitše seo, O tlemegile go Lentšu lela. O tlemegile go Lentšu lela.

¹⁶⁵ Bjale le kgwatha morumo wa kobo ya Gagwe ka tumelo ya lena. Gomme ke dirile ditleleimi tše. Ge e le ya Modimo, e tla direga; ge e se ya Modimo, e ka se tle go phethega. Gomme seo ke se e lego therešo e nnoši, go bona ge eba ye ke yona, re magareng ga badumedi goba aowa. Bjale o swanetše go ba modumedi, go swana le ge ke le modumedi. O swanetše go dumela se go ba Therešo. Ge o e dumela, e tla direga. Bjale rapelang, yo mongwe le yo mongwe wa lena, dumelang ka tsela ya lena beng.

¹⁶⁶ A re thomeng go tloga lehlakoreng le tee, feela go iša hloko go lehlakore le tee. Gomme feela, ke nyaka lehlakore le godimo mo kgahlanong le leboto, felotsoko, o a dumela. Eba le tumelo. O se belaele. E no dumela, e re, “Morena!”

¹⁶⁷ Se lebelele go nna bjale, le a bona. O ka kgona go ntebelela, eupša, lebelela, dumelela tumelo ya gago e lebelele ka godimo ga seo. O ka kgona go lebelela go nna ka mahlo a nama, eupša wa Mo lebelela ka mahlo a gago a tumelo, gore Yena ke Lentšu leo. Gomme—gomme O sa tšo fetola seapešasefahlego sa Gagwe,

le a bona, go tšwa go se se sa kgonego go bonwa go ya go se se boletšwego ka phethagalo, Lentšu le dirilwe nama. Ebang le tumelo.

¹⁶⁸ Bjale le se sepele go dikologa bjale. Homolang ka kgonthe, tlhomphokgolo. O ka kgora go sepela tikologong, mo nakwaneng; eupša wa homola ka kgonthe, tlhomphokgolo.

¹⁶⁹ Bjale, ke, ke eng? Ke mpho. Mpho ga se go tšea, boka tšoša, le go ya, go itia le go foša le go goga. Yeo ga se yona. Mpho e no ba go intšhetša ka bowena ka ntle ga tsela, gore Moya wo Mokgethwa o kgone go šoma ka mmeleleng wa motho. O se leke go re, "Letago go Modimo, ke na le mpho! Ke na le mpho, haleluya!" O ka se tsoge wa e hwetša. Ge o ka no tseba mokgwa wa go itloša wenamong!

¹⁷⁰ Go swana le go goga kere. Le a bona? Iphetolele wenamong ka go tumelo, go tloga go gosedumele, o no thuhlula kere ye nnyane morago fale, o re, "Gabotse, ka mehla ke bile mohuta wa go ba go gonona, eupša ka kgonthe, bjale, ke a dumela bjale." Bjale šetša se se diregago nako yeo. E no e dira gatee gomme o bone se se diregago. E no rapela.

¹⁷¹ Gomme ke leka go itloša nnamong go tloga go molaetša, go ya ka go mpho. Mpho, go, gore Lentšu le ke le itire ka Bolona go tsebjia ka—ka, bjalo ka Bahebere 4:12 o re, "Hlatha, tseba dikgopoloo ka pelong."

¹⁷² Rapelela e ka ba eng e lego phošo ka wena. Rapela, gomme o no re, "Modimo, ke—ke a hloka. Monna ga a ntsebe, eupša ke a hloka."

¹⁷³ Leineng la Jesu Kriste, Morwa wa Modimo, bakeng sa letago la Modimo, le go ya ka Lentšu la Modimo leo ke sa tšogo fetša go le rera, ke tšeela moyo wo mongwe le wo mongwe ka fa ka tlase ga taolo ya ka.

¹⁷⁴ Bjale, ga go kgathale se se diregago . . . Go ka no ba se sengwe se direga feela mo motsotsong. Go na le moswaswalatsi o dutše mo, gomme ke no nagana se sengwe se lokela go direga. Le a bona? Kafao e no bang tlhomphokgolo ka kgonthe. Ge e ka ba eng e tshwenywa, le no dula go šišimala. Le dule go šišimala ka kgonthe, dumelela motho yola a dire se ba yago go se dira. Šetsa se se diregago. A nke ba dire mosepelo, gomme o bone se se diregago. Le tla bona ge eba Yena ke Modimo goba aowa. O swanetše go Mmona ntweng. O Mmone mo phodišong; Mo šetše mo ntweng. Sathane o leka bokaonekaone bja gagwe go e dira. Eupša nno—nno mo lesang a e dire gatee, bonang se se diregago.

¹⁷⁵ Go na le motho yo mongwe o dutše godimo fa yoo a bego a sotlega, o dutše thwi tlase fa, monna le mosadimogatša wa gagwe. O a rapela. O a mo rapelela. Ke seemo sa letšhogo, megalatšhika ka sefahlegong. Ke mohuta wa mosadi yo mokoto. Monnamogatša wa gagwe o apere hempe ye tšhweu. O beile diatla tša gagwe godimo ga gagwe. Yeo ke therešo. Phagamišetša

seatla sa gago godimo, ge seo e le therešo, ge eba seo ke se o se rapelago. Se tshwenyege. Se tla emiša. Ke tshepišo, ge o ka dumela. O kgwathile kobo ya Gagwe.

¹⁷⁶ Go na le mohumagadi o dutše thwi morago mo ka lehlakoreng *le*, o tlaišega ka bothata bja sesadi. Ke a holofela ya gagwe... O Modimo! Mdi. Reed, o a tseba ga ke go tsebe. Eupša yeo ke therešo, a ga se yona? O be o rapela, "Morena, nkgaogeče." O dirile. Bo ya go go tlogela bjale. O no dumela ka pelo yohle ya gago. Se belaele. O ne tumelo.

¹⁷⁷ Fa, mohumagadi šo o dutše thwi fa mo mafelelong, a rwele kefa ye nnyane ya go bogega boso. O rapela ka... Ke bothata. O na le bothata. A ga le bone Seetša sela se lekeletše godimo ga gagwe kua? Le a bona? O ne hlogo ya gagwe e inametše fase. O ne bothata ka matolo a gagwe. O gobetše matolo a gagwe. O wele le go gobala matolo a gagwe. Le a bona? Ga ke mo tsebe; Modimo o tseba seo. Eupša yeo ke therešo, a ga se yona, mohumagadi?

¹⁷⁸ Fa, bea seatla sa gago godimo ga mohumagadi yola wa go latela a dutšego go wena; se tla thwi ka go otlologa go yena. O tlaišega ka seemo sa letšhogo. Gomme seemo seo sa letšhogo se na le... O na le bothata bja leihlo. Gomme mahlo a dirilwe karo, seo se e hlotšego. Yeo ke nnete, a ga se yona? Phagamiša seatla sa gago. Ge o ka kgona go dumela!

¹⁷⁹ Mohumagadi yo mongwe yo o beile seatla sa gagwe godimo thwi fale ka lehlakoreng la gagwe, mohuta wa go mo tsikinya. Eupša lebaka, ge o ka... A o dumela gore Modimo a ka mpotša se bothata bja gago e lego? Bo ka go malokoloko. Ge seo e le nnete, šikinya seatla sa gago ka mokgwa *wola*. Go lokile.

¹⁸⁰ O rile O tla dira eng? "O a swana maabane, lehono, le go ya go ile." A le dumela seo?

¹⁸¹ Monna šo o dutše pele ga ka. O tlaišega ka athiraethisi. Ka kgontha o...ga ke tsebe ge eba o ya go e hwetša goba aowa. Ke mohuta wa monna wa mengwaga ya ka. O tlaišega ka athiraethisi. Ga a tšwe mo. O tšwa Kansas City. A o dumela gore Modimo o tla go fodiša? A o a dumela Modimo a ka mpotša leina la gago ke mang? Mna. Francis. O dumela ka pelo ya gago yohle. O be a leka go go hlakola go tloga go yona, mohlomphegi. Gomme o—o... O be o nagana ke be ke e ra monna yo mongwe, eupša e be e le wena. Gomme ge ke boletše seo, maikutlo a go se tlwaelege ka kgontha a tla godimo ga gago, a mabose ka kgontha le borutho. Ge seo e le nnete, šišinya seatla sa gago ka mokgwa *wo*.

¹⁸² Gape, mosadimogatša wa gago o dutše fao, ke yena Mdi. Francis. O tlaišega le yena ka athiraethisi. Gomme o na le bothata ka mahlo a gagwe, le bothata ka ditsebe tša gagwe. A yeo ke nnete? Yeo ke nnete.

¹⁸³ Mohumagadi yo a dutšego kgauswi le yena, thwi kgauswi le yena fao, o tlaišega ka ditšhika tša go photha madi. Nnete. O ne se sengwe sa phošo bokagare, mohuta tsoko wa... Ke bothata

bja sebudula. O ne bothata bja sebudula. Le yena o tšwa Kansas City. Mdi. Gregg. Yeo ke nnete.

¹⁸⁴ Ge ke le mosetsebje wa go felela go lena batho, phagamišang diatla tša lena ka mokgwa *woo*, gore, ke ra gore, go batho ba mo ba bego ba bitšwa, emišetšang diatla tša lena godimo, lena batho ba le sa tšogo bitšwa nako yeo, ge ke le mosetsebje.

¹⁸⁵ Ke eng? Modimo wa go swana Yo a tliego fase ka nameng ya motho, le go ja nama le go nwa maswi. Gomme Jesu o rile. . . Gomme Abraham o rile, a ke re, gore O be a le “Elohim,” Modimo a bonagaditšwe nameng. Jesu o rile, “Bjalo ka ge go bile letšatsing lela, gore Jehofa, Morwa wa motho gape, ka sebopego sa seprofeto, boka A bile, o tla bowa gape mo matšatsing a mafelelo,” feela pele mebele ya lena e eya go fetolwa. Rena, re be re ka se kgone. . . Le a bona, Sarah o be a sa kgone go amogela lesea leo ka mmeleleng wola, a o be a ka kgona? Abraham o be a sa kgone, ka mmeleleng wa gagwe. Mmele wa gagwe o ile wa swanelia go fetolwa. Le wa rena o dira bjalo, go amogela Morwa. Tše Lentšu, gomme Yena ke Morwa. Ke Lentšu. A o a le dumela?

Bjale inamišang dihlogo tša lena nakwana feela.

¹⁸⁶ Ka go tsenelela, le pelo ya gago yohle, a Modimo a lokafaditšwe ka go direng ditshepišo tše? A le dumela gore Lentšu la Gagwe ke Therešo? A le dumela gore dihlatse tše e no ba dihlatse tša maaka, gore ba be ba se na tumelo go e dumela mo mathomong? Lena le lekgotla la baahlodi gomme lena le moahlodi. Lekgotla la baahlodi le lengwe le le lengwe le swanetše go dira mogopolo wa lona, moahlodi o swanetše go fetiša kahlolelo. A o feditše le mogopolo wa gago gore Lentšu la Modimo, la Mareka 16, ke Therešo? Ge o dirile, emišetša seatla sa gago godimo. Ke tlišitše dihlatse go lefelotiragalo, tše di tlago ka tsela ya go swana bjalo ka ye mo matšatsing a mafelelo, le go netefatša gore Lentšu la Modimo le be le nepile. Gomme Lentšu la Modimo le tshepiša se ka matšatsing a mafelelo. Gomme ke mo, gomme le mo, pele ga lena, go netefatša ka moka ga bona, yo mongwe le yo mongwe wa lena. Yo mongwe le yo mongwe wa lena a ka bitšwa, o tee ka o tee, ka mokgwa *woo*, ge le e dumela. Botšišang batho ba, bolela le bona, moo Moya wo Mokgethwa o biditšego.

¹⁸⁷ “O dira eng bjale, Ngwanešu Branham?” Go leka go tloga go Lona. Le no tšwelapele le direga mogohle ka moagong; o no e bona e phadima.

¹⁸⁸ Le a bona, ka seo, ke leka go le dira gore le e dumele. Ebang le tumelo go Modimo. E dumeleng. O lokafaditšwe go ngwaleng se. O se tiišeditše, le go netefatša gore ke Therešo. O se profetile, mengwaga ye masometharo ya go feta, gomme a se netefatša lehono. O se boletše, mengwaga ye dikete tše pedi ya go feta, le go se netefatša lehono. Lentšu la Gagwe ke Therešo. Gomme Lentšu le lengwe le le lengwe la Modimo le šušumeditšwe, gomme Lona

lohle ke Therešo. Gomme Mareka 16 e rile, “Ba tla bea diatla tša bona godimo ga balwetši gomme ba tla welwa ke maruru.”

¹⁸⁹ Lekgotla la baahlodi, na kahlolelo ya lena ke eng ka go kgorotsheko ye morago ga sekgalela se? A Jesu Kriste o a swana maabane, lehono, le go ya go ile? Phagamiša seatla sa gago. [Phuthego e re, “Amene.”—Mor.] A le kgodišegile ka botlalo gore Mareka 16 ke Therešo, Lentšu la Jesu Kriste, “Ge ba ka bea diatla tša bona godimo ga balwetši, ba tla welwa ka maruru”? Emišang diatla tša lena. [“Amene.”]

¹⁹⁰ Ka gona, Sathane, o swanetše go sepela. Mna. Mosedumele, ga o sa na le taba magareng ga rena botelele bjo bo itšego. Mna. Mogononi, goba Mna. Mofelapelo, ga ke kgathale ke botelele gakaakang go e tšeago, e ya go direga.

¹⁹¹ A o mpitša modumedi? Phagamišetša seatla sa gago godimo ge o dira. Ke nna modumedi. Ke ya go le rapelela, go bea diatla godimo ga lena. A le dumela gore badiša ba lena fa ke badumedi? Phagamišang diatla tša lena. Ke ba bakae badiredi ba go dumela ba lego ntle fale? Phagamišang diatla tša lena.

¹⁹² Ke ya go kgopela badiredi ba ba dumelago go tla fa feela motsotsso. A seo se lokile, modiša? Go phethagala. Ke nyaka modiredi yo mongwe le yo mongwe ka moagong wo, yoo a lego modumedi, etla fa gomme o eme le nna feela nakwana. Ke nyaka badumedi ba mmapale bjale. Elelwang, ga re nyake baitirabadumedi. Re nyaka badumedi ba mmapale. Etlmo gomme o eme sefaleng. O ya go bona se sengwe se direga bjale. “Ke a dumela o mpoditše Therešo.”

¹⁹³ Bjale elelwang, setu ka kgontha motsotsso feela, ge badiredi ba ba etla, ke nyaka go bolela se sengwe go lena. Bjale eng, go tla direga eng? Tiro ya gago, go tloga go tiro ya gago. . . Yo mongwe o theletše. Go lokile. Tiro ya gago, go tloga go ye go ya pele, e tla ba kahlolelo ya gago. Ke ba bakae ba dumelago seo, phagamiša seatla sa gago godimo.

¹⁹⁴ Bjale yo mongwe le yo mongwe yoo a nago—yoo a nago ka—ka karata ya thapelo, emeleta godimo ka go lehlakore la letsogo le letona fa, eya godimo ka go lehlakore *le*. Lena, yo mongwe le yo mongwe wa lena ka mokgobeng wa lena, emeletlang ntle ka go lehlakore la letsogo le letona la mokgoba wa lena, ka lehlakoreng la letsogo le letona la mokgoba wa lena.

¹⁹⁵ Bjale bona ka mafeelong a mangwe godimo kua, ba tla swanela go tšwela ntle ka tsela *ye*. Go lokile.

¹⁹⁶ Bohle ba ba ka lehlakoreng *le*, ka dikarata tša thapelo, emang godimo ka go mokgoba *wo*; ka mokgwa wo, ka go lehlakore la letsogo la go ja. Leo e tla ba lehlakore la seatla sa nngele. Ke maswabi. Lehlakore *le* godimo fa e tla ba lehlakore la letsogo la go ja la gago. Seo se ka lehlakoreng la seatla sa gago sa nngele. Bjale etla thwi go dikologa ka mokgwa woo, dira mothalo wa gago.

¹⁹⁷ Bjale lena badiredi bohole etlang fa le go dira mothalo wa go menagana, thwi go kgabaganya tsela ye, methalo ye mebedi thwi godimo ka tsela ye; thwi go dikologa *fa* le thwi go dikologa *fa*, yo mongwe le yo mongwe wa lena.

¹⁹⁸ Bjale ke ba bakae ba lena ba dumelago? Phagamiša seatla sa gago, e re, “Bjale gape ke nyaka go bontšha Modimo gore ka phethagalo ke dumela gore Mareka 16 ke Therešo,” phagamišetša seatla sa gago godimo. “Bjale ke a e amogela.”

¹⁹⁹ Ke ba bakae ntle fao ba ka se bego mothalong wa thapelo, ba tla be ba rapelela bao ba lego ka mothalong wa thapelo, gomme sehlopha ka moka sa rena mmogo re tla be re rapela bjalo ka badumedi? Phagamišetša seatla sa gago godimo.

Bjale a re rapeleng.

²⁰⁰ Morena Jesu, Wena o Modimo. Wena o “KE NNA,” yo mogolo e sego “Ke be be ke le,” goba “Ke tla ba.” Wena o “KE NNA,” lebaka la bjale. Ga go maatla a ka kgonago go ema tseleng ya Gago. Wena o Modimo, gomme ga go yo mongwe boka Wena. O dira Mantšu a Gago go tiisetšwa. O le netefaditše go rena, ka dihlatse morago ga sekgaleta se ka tshekong ye; lekgotla le la baahlodi, le gape kgorotsheko ye, le baahlodi ba ba tlago go ba.

²⁰¹ Re file tsheko, ye kaone. Re tšere se lenaba le se boletšego. Re tšere se motšotšishi a se boletšego. Re tšere se dihlatse tša gagwe di se boletšego. Re e tlišitše morago le bohlatse bja Hlatse ya Mosekišwa, gomme O netefaditše gore Modimo o lokafaditše go direng ditatamente tše, gobane O e dira e direge, go modumedi, ka dihlatse tše dintši kudu go feta mosedumele a kgoni go tšweletša dihlatse. Bjale re a tseba gore ke therešo. E robetše feela ge batho ba Le ahlotše go ba nnete, Lentšu la Modimo go ba Therešo.

²⁰² Efa, Morena, gore yo mongwe le yo mongwe a fetago go kgabola mothalo wo fa . . . Tate, monna ba ba emego fa. Morago ga ge ke sepetshe, yo mongwe a ka re Ngwanešu Branham o beile diatla go bona, eupša ke nyaka batho go tseba gore badiša ba ba no ba le tokelo ye ntši go bea diatla godimo ga balwetsi bjalo ka ge yo mongwe a dira. Ga ba swanela go leta go fihla moebangedi tsoko wa nako ya go ikgetha a etla go kgabola, eupša modiša wa bona beng o ne tokelo go bea diatla godimo ga bona. Modimo, efa seo, motho yo mongwe le yo mongwe yoo a fetago go kgabola mothalo wo wa diatla fa lehono; bao ba biditšwego le go hlomamišwa ke Modimo, go bea diatla godimo ga balwetsi.

²⁰³ Re a tseba ga re na diatla tše kgethwa, eupša ga re itebelele renabeng. Re lebelela sehlabelo sa rena, Jesu Kriste, wa go swana maabane, lehono, le go ya go ile, Yo a tšwago madi pele ga terone ya Modimo bjale, go re hlwekiša, go phethagatša thomo ya Gagwe. Efa, Morena, gore monna yo mongwe le yo mongwe, mosadi, mošemane, goba mosetsana, yoo a fetago go kgabola fa, o tla tloga sefaleng se, a hlalala, feela go o ka re ba be ba itekanetše

le gabotse le go hlamatsega. E fe. Anke kahlolelo ya lekgotla le la baahlod, leo ba tteleimago le be le le, O be a lokafaditšwe, gomme a nke bjale kahlolo yeo ba e fetišago e tla ba tiro ya bona go tloga ka morago ga fa. Re thuše, Modimo, ka go la Jesu Kriste Leina. Amene.

²⁰⁴ Ngwanešu Roy Borders goba moetapele tsoko wa pina, ge o ka tla fa feelsa nakwana le go hlahla. Bjale ka mahlo a lena a tswaletšwe.

²⁰⁵ Bjale e no wela thwi ka mothalong, ge mothalo wa gago o etla go bapela. Etlang go kgabola mo. Re rapetše, yo mongwe le yo mongwe wa banna ba. Gobaneng ke di beile godimo fa, e bile se. Bjale lena godimo *fa* le tla swanela go tla tlase ka tsela *ye* le go wela thwi mothalong le ba, le ba fa, ge ba tšwela ntle, le a bona. Nnete. Bjale e nnong go leta go fihla ba... Letang go fihla ba eya kgole. Leta go fihla mothalo *wo* o etla ntle; morago wena, mohumagadi. Thwi fa, kgaetšedi, ema thwi fale. O a bona, ema thwi fao, o a bona. Diašara, ba bangwe ba lena ba thušeng fao, le a bona. Le a bona, o swanetše go dumelala methalo *ye* go tšwela ntle, methalo *ye* e tle ntle, gomme mothalo *wo* o ba latele, le a bona, go tla go kgabola.

²⁰⁶ Bjale ge eba o tla go kgabola fa o no tšeakare, o no thankā, tloga mothalong; go ka no go dira go gakala. Eupša ge o etla go kgabola mo, o dumela, ga go selo se yago go e tšea go tšwa go wena. Ke ba bakae ba tsebago seo go tšwa go ye, ye ke nako ya go dudišega? Lena ba le lego ka mothalong, le re, "Ye ke yona. Ke a e dumela. Ga go sa na bontši go belaela ka yona. Go fedile, gonabjale. Ke amogetše Lentšu la Modimo." Ge o sa dire, o se ke wa tla ka mothalong, bjale. O dumela ka pelo ya gago yohle, gomme wa tla.

²⁰⁷ Modimo o itlhatseditše ka Boyena ka Lentšu, le hlatsē le tsheko, go ba gona thwi bjale, "wa go swana maabane, lehono, le neng le neng." Ga se gona se šetšego eupša go bea diatla go balwetši, gomme ba tla welwa ke maruru. Badiša ba lena šeba. Le a tseba ke badumedi. Ke badiši ba lena.

²⁰⁸ Gomme ga ke nyake le hwetše kgahlego gore nna, Oral Roberts, goba yo mongwe gape, ke motho a nnoši yo a beetswego go dira se. Modiredi yo mongwe le yo mongwe o beetswe go e dira. Modumedi yo mongwe le yo mongwe, ge eba ke modiredi, goba aowa, o beetswe go e dira. Motho yo mongwe le yo mongwe yoo a dumelago, o ne tokelo go bea diatla go balwetši, gomme ba tla welwa ke maruru.

²⁰⁹ Ga ke re modiša wa lena goba e ka ba mang a ka be a tšeampyo ya tlhatho. Ga ba swanela go dira seo; yeo ga se pitšo ya bona. Yeo ga se pitšo ya bona, go dira seo. Yeo e swanetše go ba e tee ka go lebaka.

²¹⁰ Eupša—eupša re hwetša, gore o biditšwe, bjalo ka modumedi. “Maswao a a tla ba latela,” ga e šupe motho e ka ba mang, “bona bao ba dumelago.” O e dumela ka pelo ya gago yohle bjale.

²¹¹ Ngwanešu Roy, o etella pina pele, *Dumela Feela*. Yo mongwe le yo mongwe ka thapelong. Badiredi, ge ba feta kgauswi, beang diatla godimo ga bona. Gomme maloko le bagwera, ge le feta kgauswi fa, le se be le pelaelo e tee ka monaganong wa lena; e no feta thwi go kgabola mothalo, go ya ntle mo, o re, “E rarologile.”

²¹² Bjale elelwang, le bile lekgotla la baahlodi molatong wo. Le phagamišitše seatla sa lena gore le amogetše kahlolelo ya lena. Yo mongwe le yo mongwe o a kwešiša, e reng “amene.” [Phuthego e re, “Amene.”—Mor.] Le bile le kahlolelo ya lena. Bjale se le se dirago ka morago ga fa se tla netefatša ge eba le boletše therešo goba aowa. Kahlolo ya gago—ya gago e tla fetišwa ka se o se dirago go tloga ka morago ga fa. Seo e tla ba. O tla ba moahlodi le lekgotla la baahlodi. Ge ka therešo o e dumela, e swanetše go direga. Ge o itiriša go dumela, e ka se direge.

²¹³ Ka baka la gore, e kgonthišitšwe ke Lentšu, ka Bogona bja Modimo, ka se sengwe le se sengwe seo se lego fao. A go se sengwe se šetšego go dirwa? Ge A ka tla thwi fa, morago ga sekgalela se, a A ka kgonia go go fodiša? Aowa, aowa. O šetše a e dirile. Le a bona? Yena ke tšohle . . . Ga go selo se šetšego go dirwa bjale. O itlhatseditše ka Boyena mo, ka Lentšu, a netefatša se sengwe le se sengwe. Selo se nnoši o swanetše go se dira . . . O feditše le mogopoloo wa gago, o kwele tsheko, o fetišitše kahlolelo, bjale etla gomme o laetše kahlolo ya gago. Amene. Modimo a go šegofatše.

²¹⁴ Go lokile. [Ngwanešu Borders o thoma go hlahla phuthego ka go opela *Dumela Feela*—Mor.]

²¹⁵ Rapelang bjale, baena. Gomme a nke yo mongwe le yo mongwe wa diašara a dumelele batho ba tle go kgabola. Emeelang kgauswanaq gannyane bjale. Monna yo mongwe le yo mongwe kgwatha ngwana yola, kgwatha yo mongwe le yo mongwe. Monna yo mongwe le yo mongwe o kgwatha bona batho, ka tumelo bjale. Tswalela mahlo a gago. [Ngwanešu Branham le badiredi ba rapela le go bea diatla tša bona godimo ga batho. Lefelo la go se be le selo godimo ga theipi—Mor.]

Dumela feela,
Dilo tšohle di a kgonega, dumela feela;
Dumela feela, dumela feela,
Dilo tšohle di a kgonega, dumela feela.

²¹⁶ Bjale a le ka kgonia go e opela ka tsela ye, “Bjale ke a dumela, thwi bjale ke a e dumela”? O a dira? Emiša seatla sa gago, e re, “Ka kgonthe ke a e dumela.” “Maswao a a tla latela bona ba ba dumelago!”

Dilo tšohle di a kgonega, bjale ke a dumela;
Oo, bjale ke a dumela, bjale ke a dumela,
Dilo tšohle di a kgonega, bjale ke a dumela.

²¹⁷ Nako ye nngwe ya go feta, e ka ba mengwaga ye lesomehlano ya go feta, ke elelwa bošego bjo bongwe ke bileditšwe sepetlele, go mošemane a ehwa ka dišo tša mogolo tše ntsho. Go be go le... pelo e be e ile gampe go yena. Gomme tate o tšwetšepele a etla kopanong, go—go ntira ke ye go rapelela mošemane. Gomme mošemane o be a le e ka ba lesomethano, mengwaga ye lesometshela bogolo. Gomme ke be ke no ba matasatasa kudu, ga se ke kgone go e dira. Gomme mafelelong... Ge—ge—ge—ge o ka e iša go e tee, gona ke ye nngwe, le a tseba. Kafao tate o nno tšwelapele a swareletše, a letile go fihla nako. Mafelelong, bošego bjo bongwe morago ga tirelo, ke ile sepetlele. Gabotse, ngaka o mpoditše gore ke be nka se kgone go ya ka gare. O rile, “Ka gobane, mo—mo mošemane o na le dišo tša mogolo go yena, gomme o monna yo a nyetšego gomme o ka se kgone go ya ka gare le go tšea twatši yela.”

²¹⁸ Gabotse, ke mo kgopetše, “Feela hle a nke ke ye ka gare.” Monna e be e le Mokatoliki. Gomme ka re, ka re, “A o Mokriste?”

O rile, “Ke nna Mokatoliki.”

²¹⁹ Ke rile, “Ge moprista a be a eme fa gomme a leka go tliša—tliša ditirelo tša mafelelo tša kereke go mošemane, a o be o ka e amogela?”

²²⁰ O rile, “Yeo e a fapana. Yoo ke moprista. O monna yo a nyetšego.”

Ke rile, “Ge nka saena pampiri, ka tšea boikarabelo bjohle?”

O rile, “Nka se kgone go dira seo, mohlomphegi.”

²²¹ Gomme ke rile, “Hle.” Ke boletše se, “Ke no ba bontši go bona batho bjalo ka ge moprista a tla ba go wena.”

²²² Mafelelong, a nkapeša boka Ku Klux Klan, ka dilo tšohle tšela tše tšhwew, gomme a ntšeela ka gare, gomme ke ile go mošemane. O be a idibetše, matšatši a mabedi goba a mararo. Pelo ya gagwe e be e no rethetha ka go fokola. Ke lebetše se mohemo; wo monnyane kudu, feelsa thata go tšwa madi, go rethetha. Gomme tate le mme wa kgale ba be ba eme fale.

²²³ Gomme ke ile ka no khunama fase, gomme feelsa thapeloye nnyane ye bonolo, ka bea diatla godimo ga gagwe, ka re, “Morena Jesu...” Ke šomišitše Lengwalo le. “O rile, ‘Maswao a a tla latela bona ba ba dumelago.’ Tate šo le mme, ba ka se phegelele le go swarelela go nna go bea diatla godimo ga mošemane yola ge nkabe e se gore ba e dumetše. Gomme, Morena, nkabe ke se ka tla fa bjalo ka mokweri. Ke a dumela gore se ke se boletšego le go se ruta ke Therešo.” Gomme ke rile, “Ke šegofatša mošemane yo monnyane, Leineng la Jesu Kriste; mo lese a phele.”

²²⁴ Gomme ge ke emeletše, tate le mme wa kgale ba thoma go gokarana seng sa bona, le go re, “A ga go makatše, mme! A ga go makatše!” Mošemane o be a se a fetoga nthatana e tee; o nno robala fale. Gomme ke—ke ba lebeletše.

²²⁵ Gomme mooki yo monnyane a eme fale, o be a le mooki wa go ikgetha, sealoga, gomme o be a le godimo fale a hlokometše mošemane. Gomme o rile go mme, o rile, “O ka kgona bjang go dira ka mokgwa wola, gomme o tseba mošemane wa gago o a hwa?”

²²⁶ Gomme tate wa kgale, boka a be a le e ka ba, oo, ke a thanka, o be a le masomethano seswai, bogolo bja mengwaga ye masometshela, o beile diatla tša gagwe godimo ga magetla a gagwe, bjalo ka ge papa wa kgale a be a ka dira. O rile, “Ngwana,” o rile, “mošemane yola ga a hwe,” o boletše.

²²⁷ “Morena,” o rile, ga ke tsebe se e bego e le sona, mohuta tsoko wa cardiogram goba se sengwe, o rile, “mohemo wa gagwe—wa gagwe o theogetše tlase kudu, gomme ka bolwetsi bjo, ga go tsebje ka go histori, ge o ka tsoge wa fihla seemong sela, go ona go tsoge wa bowa morago gape.”

²²⁸ Gomme mopatriaka wa kgale o pikitlide mahlo a gagwe, le go mo lebelela. Nka se tsoge ka lebala se. O rile, “Hani, o lebeletše tšhate. Seo ke se o hlahlilwego go se lebelela. Ke lebeletše tshepišo ye Modimo a e dirilego. ‘Ba Bea diatla godimo ga balwetsi, ba tla welwa ke maruru.’” Mošemane o nyetše gomme o ne bana ba bararo, moromiwa ka Afrika. Go ya le gore o lebeletše eng.

²²⁹ Bjale go ka no ba ba bangwe mo, ba ba tlidego mo, ba ba sego ba hwetša karata ya thapelo. Ke botšišitše morwa tlase kua. O rile, “Ga go pelaelo eupša se go nago le bontši morago fale, papa, bao ba sa hwetšago karata ya thapelo.”

²³⁰ Ke ba bakae badumedi ba lego mo nako yeo? Phagamišetšang diatla tša lena godimo. A le tla dira se ge re sa opela, “Bjale ke a dumela”? Bjale Modimo o be a lokile go lena. A le ka se ke, bjalo ka modumedi . . . Ga e dire phapano ye itšego ke diatla tša mang, ge feela e le modumedi. Le a bona? A le ka no beana diatla godimo ga seng sa lena, gomme re tla opela pina ye mmogo, “Bjale ke a dumela.” Gomme go fihla ke kopana le lena, Modimo a be le lena!

Bjale ke a dumela,

Yeo ke nnete, bea diatla tša gago godimo ga yo mongwe kgaušwi le wena.

Bjale ke a dumela,

Dilo tšohle (ga go kgathale se e lego phošo, dilo tšohle di a kgonega) ke kgon- . . . (Leineng la Jesu, šegofatša ba.)

Bjale ke a dumela, oo, bjale . . . (“Bjale ga ke raloke. Aowa, se, bjale ke a dira.”)

Dilo tšohle di a kgonega, oo, bjale ke a dumela.

²³¹ Bjale bohle ba le e dumelago, phagamišetšang diatla tša lena godimo ka mokgwa *wo*, “Nna bjale ke a e dumela.” Modimo a le šegofatše.

Go fihla re kopana! . . . kopana!
 Go fihla re kopana maotong a Jesu; go fihla re kopana!
 Go fihla re kopana; go fihla re kopana!
 Modimo a be le lena go fihla re kopana gape!

Bjale ka dihlogo tša rena di inamišitšwe.

Go fihla re . . .

²³² A nke Modimo a be le lena, ka therešo, a bolae maphotho a tšhošetšago a lehu pele ga lena, a le iše go tloga phenyong go ya phenyong. Letšatši le lengwe, a nke mebele ya rena e fetolwe gomme e dirwe go swana le mmele wa Gagwe mong wa letago, moo re ka se sa rapelelago balwetši gape. Go fihla nako yeo, a nke Modimo a be le lena, go fihla re kopana. [Ngwanešu Branham o a hama—Mor.]

Go fihla re kopana!
 Modimo a be le lena go fihla re kopana gape!

²³³ Bjale a re inamišeng dihlogo tša rena bakeng sa thapelo ya go tswalela. Ke mang a yago go rapela? [Yo mongwe o re, “Ngwanešu Gibson. Ngwanešu Gibson.”—Mor.] Ngwanešu Gibson bjale, ge re sa inamišitše dihlogo tša rena.



TSHEKO NST64-0621
(The Trial)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena morago ga sekgalela, June 21, 1964, ka Municipal Auditorium ka Topeka, Kansas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org